

大同府知府吳輔宏纂輯

人物中

達奚長儒字富仁代人隋初進位上大將軍封斬春郡公

開皇二年以奮戰身被五創道中者二卒獲奏績優詔

加上柱國其年授寧州刺史尋轉鄜州母憂去長儒性

至孝水漿不入口五日毀瘠過禮上甚嘉歎起為夏州

總管以病免又除襄州總管在職二年轉蘭州總管涼

原靈三總管皆受節度復轉荊州總管二十六州諸軍

事文帝曰江陵要會之南門今以委公朕無慮也歲餘卒官諡曰威烈

賀婁子幹字萬壽代人以驍武知名開皇初爲行軍總管

涼州之戰功最優冊授大將軍尋拜工部尚書旋授榆

關總管十鎮諸軍事歲餘拜雲州刺史詔爲行軍總管

出西北道還拜雲州總管母憂去朝廷以榆關重鎮非

子幹不可尋起視事卒官時年六十諡曰懷兄諡亦有

才器位至北地太守

杜彥雲中人性勇果善騎射開皇初授丹州刺史進爵爲

公徵爲左武衛將軍以行軍總管進位柱國復以行軍

總管從楊素討平高 日慧拜洪州總管有能名歲餘代
賀婁子齡鎮雲州尋 拜朔州總管復拜彥雲州總管未
幾以疾徵還卒年六十

侯莫陳穎字遵道代人 少有器量文帝初賜爵昇平郡公
歷延陳二州刺史以行軍總管拜瀛州刺史有惠政以
事免官百姓送者莫不流涕因立碑頌德俄拜邢州刺
史治第一優詔褒美入朝卽拜桂州總管十七州諸軍
事及到官大崇恩信民人悅服煬帝初徵還數年除恒
山太守其年粵南閩越多不附以穎爲南土所信伏復
拜南海太守卒官諡曰定

尉遲崇代人開皇初封秦興縣公歲餘從行軍總管達奚長儒力戰死

楊義臣代人尉遲崇子崇死事襲爵時尙幼養於宮中年未弱冠奉詔宿衛賜姓楊氏爲皇從孫拜陝州刺史義臣性謹厚能馳射有將領才上甚重之後以行軍總管出白道有功仁壽初拜朔州總管四年擊破漢王諫將喬鍾葵以功進上大將軍尋授相州刺史徵爲宗正卿轉太僕卿進左光祿大夫尋拜禮部尙書卒

吐萬緒字長緒代郡人少有武畧隋初拜襄州總管封穀

城郡公尋轉青州總管頗有治名歲餘徙朔州總管甚

著威信轉徐州總管令修戰具及大舉濟江領行軍總
管屯兵江北陳平拜夏州總管煬帝嗣位拜晉絳二州
刺史馳傳之官未出關而漢王諒已遣兵據蒲坂斷河
橋緒不得進詔率兵從楊素擊破之拜左武侯將軍轉
光祿卿除東平太守累遷左屯衛大將軍左光祿大夫
疾卒

獨孤羅字羅仁雲中人父信開皇初追贈趙國公羅以嫡
長襲爵拜左衛將軍久之出爲梁州總管進上柱國仁
壽中徵拜左武衛大將軍煬帝嗣位改封蜀國公卒諡
曰恭庶長子開遠爲千牛嘗與右屯衛將軍獨孤盛力

大同府志 卷之三
戰宇文化及被執化及義而捨之盛歿於軍

庫翟嶽代人性宏厚有局度開皇時官民部尚書與上大將軍劉仁恩兵部尚書郭均馮世基俱顯名於當世

房兆代人本姓屋引氏剛毅有武畧頗爲行軍總管官至柱國徐州總管與馮昱王樹李充楊武通陳永貴俱爲開皇時名將

唐

于邵字相門其先代人徙京兆之萬年天寶末第進士以書判超絕補崇文校書郎由比部郎中爲道州刺史徙

巴州遷授兵部郎中崔寧帥蜀表爲度支副使俄以諫

議大夫知制誥進禮部侍郎朝有大典冊必出其手爲
二司使治薛邕獄失旨貶桂州長中入爲太子賓客又
貶外卒於江州時年八十一邵孝悌有行聯塗益修潔
樊澤始舉賢良邵望見曰將相材也崔元翰舉進士年
五十餘矣邵以其文擢異等自後當司詔令已而皆然
獨孤授舉博學宏辭吏部考當乙邵覆之置甲科人咨
其公

後五代

李從璟 應州人唐明宗子初名從審爲人驍勇善戰而謙
退謹勅從莊宗戰數有功爲金槍指揮使明宗卽位贈

太保

李從敏字叔達明宗姪也為人沉厚寡言善騎射初從莊宗為馬步軍都指揮使明宗入立遷皇城使保義軍節度歷鎮橫海義武成德歸德保義昭義河陽封涇王卒諡恭惠

安重誨應州人明敏謹恪明宗即位以為左領軍衛大將軍樞密使兼領山南東道節度使改兵部尚書累加侍中兼中書令處機密之任事無大小皆所參決奏事先白後聞盡忠補益多所建樹尋以太子太師致仕

安金全代北人驍果工騎射號能擒生踏伏明宗天成中

拜振武軍節度使同中書門下平章事在鎮二年召還卒

康思立山陰諸部人少爲騎將以功遷指揮使明宗卽位歷應嵐二州刺史宿州團練使昭武軍節度使徙鎮保義皆有善政

史彥超雲中人勇悍驍捷爲龍捷都指揮使以兵從周太祖入汴遷虎捷都指揮使戍晉州守城有功遷龍捷右廂都指揮使領鄭州防禦使戰高平拜威德軍節度使太原之役歿於行陣世宗甚悼惜之贈太師優恤其家折從阮字可久初名從遠避漢高祖名改爲阮雲中人也

父嗣倫麟州刺史從阮溫恭長者居父喪以孝聞為唐

府州刺史晉出帝時以功遷本州團練使兼領朔州刺

史安北都護振武軍節度使尋拜永安軍節度使徙鎮

武勝宣義保義靖難四鎮顯德二年卒贈中書令舊志於從

阮傳後附見德辰以下諸人非折氏家譜不當連綴也今別係之宋

宋

折德辰雲中大族從阮于建隆二年為永安軍節度使乾

德二年卒贈侍中子御勳御卿御勳字世隆開寶二年

太祖征太原御勳詣行在謁見以為永安軍留後後改

泰寧軍節度使

折御卿德展子幼補節院使兄御勲知州事署兵馬都校
御勲徙鎮召爲閑廐副使知府州太宗征河東命與尹
憲領屯兵攻下嵐州遷崇義使淳化五年拜永安軍節
度使子惟正爲洛苑使知州事惟正歸朝以其弟惟昌
繼之

折惟昌御卿子繼知府州事咸平二年以功領富州刺史
改文思使拜興州刺史大中祥符二年赴闕命近臣與
射於苑中宴賜甚厚上言先臣御卿蒙賜旗三十竿以
壯軍容請別給賜許之景德七年卒以其弟惟忠繼之
折惟忠字蓋臣初以兄惟信戰歿補西頭供奉官擢開門

祇候及惟昌卒爲奉使知府州兼麟府都巡檢使領
普州刺史再遷奉使使歷嘉賓一州刺史進蘭州團
練使卒於雲麾將軍以其子繼宣嗣州事坐事降擢其
弟繼閔爲西東節度使嗣州事

折繼閔字廣孝慶曆中以守城功特遷宮苑使普州刺史
皇祐二年卒以其弟繼祖繼之

折繼祖字應之由右侍禁遷西染院使累轉皇城使成州
團練使臨政二十餘年奏乞書籍仁宗賜以九經後以
功加解州防禦使卒繼祖有子當襲州事請以授兄之

子克柔詔定之而進其三子官錄二孫爲借職

折繼世繼祖弟少從軍爲延州東路巡檢錄功領忠州刺史以左騏驎使果州團練使卒特給賻禮

折克行字遵道繼閔子初仕軍府無所知名以護餉道戰葭蘆川奏功諸將矍然曰真折太尉子也擢知府州善拊士卒戰功最多人呼爲折家父官至秦州觀察使折可適克行從子少工馳射鄜延郭逵見之歎曰真將種也薦試廷中補殿侍以前後戰功至皇城使成州團練使知岷蘭州鎮將軍尋取天都山上爲御文德殿受賀以其地爲西安州遷可適東上閣門使洺州防禦使涇原鈐轄知州事真拜和州防禦使進明州觀察使爲副

都總管武安軍節度觀察畱後俄拜淮康軍節度使卒
年六十一

郭崇應州金城人重厚寡言有方畧宋初進中書令爲平
盧節度乾德三年卒贈太師子守璘洛苑副使允恭崇
儀副使知常州次女爲仁宗皇后

周廣字大均應州神武川人宋初授隰州刺史乾德三年
遷潘州團練使令訓練雄武諸營開寶二年從征太原
擢都部署師還加內外馬步軍副都軍頭改右屯衛大
將軍領郡如故太平興國二年卒

使開寶中討南唐命萬友守采石磯浮梁江南平爲和
州防禦使太宗嗣位以爲晉絳等州都巡檢使從征太
原克汾石二州就除石州都巡檢使兼知石州雍熙二
年以右監門衛大將軍充河陰兵馬都監卒年七十三
萬友以武勇自任太祖念其勲舊恩遇不替焉

李漢超雲州雲中人宋初爲散員都指揮使領綿州刺史
累遷控鶴左廂都校領恩州團練使遷齊州防禦使兼
關南兵馬都監在郡十七年政平訟理吏民愛之請闕
求立碑頌德詔徐鉉撰文以賜太平興國初遷應州觀
察使判齊州終關南都巡檢使贈太尉漢超善撫士卒

與同甘苦及沒軍中皆流涕

李守恩漢超子少驍果善戰有父風初補齊州牙職開寶

二年太原之役賜命服金帶器幣緡錢太祖曰此稚子

能若是他日將帥才也擢爲驍猛軍校累官隴州刺史

知靈州後與子廣文助教象之隴州衙內指揮使望之

弟寄班守忠皆戰沒真宗中特贈守恩洪州觀察使

李重誨應州金城人太平興國五年補鄧州馬步軍都指

揮會趙普出鎮奏監州軍雍熙三年爲忻州都巡檢以

嶺蠻擾掠改廣桂融宜柳州招安捉賊使聽便宜從事

累遷涇原義渭鎮總軍治積成平三王先那摩最慶安

坐事除名五年起內殿崇班廊延駐泊都監遷崇義使
景德中上以涇原地要兵衆慮有緩急徙重誨爲鈐轄
復遷益州改皇城使大中祥符六年卒年六十八重誨
純慤寡過上悼之命其子乘傳護柩以歸

畢士安字仁叟代州雲中人少好學事繼母祝氏孝祝氏
曰學必求良師友乃如宋鄭得楊璞韓丕劉錫爲友乾
德四年第進士邠帥楊廷璋辟掌書奏歷濟州團練推
官太平興國初爲大理寺丞領三門發運事選知台州
累遷左贊善大夫監察御史復出知乾州以母老乞降
任就養改監汝州稻田務雍熙二年遷左拾遺兼冀王

府記寔參軍端拱中詔王府僚屬獻文太宗閱視累曰
問侍臣曰其才已見矣其行孰優或以士安對上曰正
協朕意俄以本官知制誥溲他三坐召入翰林爲學士
以詞藝履行稱三年知貢舉加主客郎中以疾改右諫
議大夫知潁州壽王尹開封府召爲判官兼右庶子遷
給事中真宗卽位命權知開封府事拜工部侍郎樞密
直學士咸平初拜禮部侍郎復爲翰林學士以目疾改
兵部侍郎出知潞州入爲翰林侍讀學士景德初兼秘
書監首疏五事陳選將餉兵理財之策真宗嘉納李沆
卒進士安吏部侍郎參知政事入謝上曰未也行且相

卿士安頓首。因言寇準兼資忠義，善斷大事，有宰相才。未閱月，以太官與準同拜平章事。準守正嫉惡，小人日思傾之。布衣申宗古誣準，士安力辯，乃明。下宗古吏具得姦，固置重辟。準乃安朝野內外事，無巨細量時制法。次第舉行，復置賢良方正直言極諫等科，以廣取士。明年以病求免，優詔敦諭，復起視事。十月晨朝，奉紫政殿廬疾，暴作詔，肩輿送歸第。卒年六十八，贈太傅中書令，謚文簡。士安端方沉雅，有器識，所至以嚴正稱。年耆目晦，讀書不輟，有文集三十卷。凡交遊無黨援，惟王祐呂端見引重。王旦寇準楊億相友善，王禹偁陳彭年皆門。

人也士安仕至輔相而四方無田園居第沒未終喪而
家用已屈上聞之感歎賜白金五千兩子世長衛尉卿
慶長大府卿孫從善從古從厚從誨從簡從道從益從
周俱至通顯曾孫仲衍仲游

畢仲衍蔭陽翟主簿縣人張昇鎮許請興鄉校旣具材又
聽民輸助邑子馬宏謾語諸豪曰張公興學而縣令因
以取諸民君將不堪誠捐百金子我我能止役豪子百
金安卽詣府宣言縣吏過昇果疑焉勅卽止令欲疏辯
仲衍曰亡益也不如取宏治之會攝縣事卽逮捕驗治

善君之謂也第進士調沈邱令歐陽修呂公著薦之入
司農爲主簿升丞吳充引爲中書檢正久之以秘閣校
理同知太常禮院爲官制局檢討官損益刪補曲盡其
當凡從中問事必須仲衍然後報他人不知也擢爲起
居郎未幾卒

畢仲游字公叔與仲衍同登第調壽邱柘城主簿羅山令
環慶轉運使元祐初爲軍器衛尉丞召試學士院同策
問者黃廷堅張耒晁補之輩九人蘇軾異其文擢第一
加集賢校理開封府推官出提點河東路刑獄召拜職
方司勳二員外郎改秘閣校理知耀州徽宗時歷知鄭

鄆三州京南淮南轉運副使入為吏部郎中言孔子廟

自顏回以下皆爵命於朝冠冕居正而子鯉孫伋乃野

服幅巾以祭為不稱詔皆追侯之仲游早受知於司馬

光呂公著而范純仁尤知之卒年七十五仲游為文切

於事理不為浮誇誕戲語弟仲愈歷國子監丞諸王府

侍講知鳳翔府坐黜後起都官郎中擢秘書少監卒

按宋

史仲喬兄弟自有傳舊志附見士安傳後太畧

遼

沙彥珣多勇畧有大志太宗禮遇同於宿將以功陞始平

安節度檢校太尉舊志不載省志載大同府下不言某州縣人而山陰縣志亦載之則當為

陰人

邢抱朴應州人父簡刑部郎中抱朴性穎悟好學博古保
寧初爲政事舍人知制誥累遷翰林學士加禮部侍郎
統和四年山西州縣被兵命抱朴鎮撫之民始安加戶
部尙書遷翰林學士承旨與室昉同修實錄決南京滯
獄還優詔褒美十年拜參知政事韓德讓薦按察諸道
守令能否而黜陟之大協人望尋以母憂去官詔起視
事乞終制不許乃視事及南京又多滯獄復詔抱朴平
決之人無寃者改南院樞密使卒贈侍中初抱朴與弟
抱質受經於母陳氏皆以儒術顯抱質亦官至侍中時

入榮之

陳昭哀小字王九雲州人工譚鞞勇而善射統和中補祇
候郎君累遷敦睦宮太保兼掌圍場事開泰五年秋大
獵帝射虎以馬馳太速矢不及發虎怒奮勢將犯蹕左
右辟易昭哀捨馬捉虎兩耳騎之虎駭且逸上命衛士
追射昭哀大呼止之虎雖軼山昭哀終不墮地伺便拔
佩刀殺之輦止上前慰勞良久特加節鉞遷圍場都太
師賜國姓命張儉呂德懋賦詩美之後拜歸義軍節度
使同知上京畱守歷西南面招討都監卒

金

康公弼字伯迪其先應州人遷於燕之宛平公弼好學年二十三中進士由樞府令史出爲寧遠令歲歉請蠲租賦縣人爲立生祠監平州錢帛庫調役糧於川盜匪侯槩陷州使護送出境曰此良吏也權乾州節度使卒諡

忠肅

舊志誤載入元

紇石烈良弼本名婁室回怕川人祖父世襲蒲輦徙居宣寧天會中選諸路國子學生送京師良弼與納合椿年皆童州列選望見丞相希尹於途歎曰吾輩學丞相文字千里來京師固當一見乃入傳舍拜堂下希尹問曰此何兒也良弼自贊曰有司所薦學丞相文字者也希

尹大喜問所學應對無懼色希尹曰此子他日必爲國器年十四爲北京教授學徒常三百人後皆成名十七補尙書省令史簿書過日輒得隱奧雖大文牒口占立成詞理皆到累官吏部右司郎中用納合椿年薦遷刑部尙書天德中拜參知政事世宗卽位以爲南京留守累遷尙書左丞平章政事拜右丞相監修國史進拜左丞相大定十八年以疾表乞致仕歸西京上遣使慰諭授世襲猛安俾其子符寶曷答攝事仍給丞相俸兼是歲卒年六十追封金源郡王諡誠敏明昌五年配享世宗廟廷良弼爲相朝夕惕惕盡心於國謀慮深遠薦賢

常不居家清儉親舊貧乏者周給之與人交久而

愈敬居位幾二十年以成太平之功號賢相焉按金史地理志

宣寧縣屬大同府當在今豐

鎮寧遠二廳界舊志失載

蘇保衡字宗尹雲中天成人賜進士出身補太子洗馬累

官同知興中尹天德中分督中都工役改大興少尹督

諸陵工遷工部尚書授浙東道水軍都統制大定二年

召赴中都時山東盜賊嘯聚百姓困弊詔保衡安撫山

東發倉粟給幣帛無妻室者具姓名以聞還除刑部尚

書遣往河南山東陝西宣問屯田軍人有會奮戰立功

者具聞先登拔幟者正軍及阿里喜補官一階尋行戶

部於關中兼糾察許以便宜黜守令不法者十餘人入

為太常卿遷禮部尚書拜參知政事三年進右丞監護

諸殿役事六年有疾求致仕不許未幾卒

舊志作渾源人未知何據

今依金史改正

康元弼字輔之大同雲中人幼敏學善屬文登正隆二年

進士第調汝陽簿由垣曲縣令補尚書省令史累遷同

知河北西路轉運使事召為大理丞大定二十七年河

決遣往曹濮間相視其地如盎而城在盎中請於朝徙

築北原曹人賴焉出為宏州刺史閱歲授大理少卿先

是衛城亦為河壤增築蘇門以寓州治水既退民不樂

遷欲復歸衛又遣元弼按視還言治故城便遂復其舊
轉秘書少監改通州刺史兼領漕事章宗立以舊臣充
副衛尉而轉大理卿復爲刑部侍郎遷南京路轉運使
承安三年致仕卒

高汝礪字巖夫應州金城人大定十九年進士蒞官有能
聲自同知絳陽軍節度事超授石州刺史承安元年入

爲左司郎中擢左諫議大夫尋同知大興府事累遷中

都路都轉運使泰和六年拜戶部尙書貞祐二年拜參
知政事尋遷尙書右丞四年轉左丞拜平章政事俄進
尙書右丞相監修國史封壽國公屢乞致仕不允哀宗

初告老復優詔不許正大元年卒年七十一配享宣宗廟廷汝礪慎密廉潔宣宗朝屢陳得失甚見採納及在相位十餘年規守格法未嘗譴訶故士論以此少之

雷思字西仲應州渾源人天德三年進士大定中任大理司直持法寬平仕至同知北京轉運使事弟志字尚仲

亦第進士仕至永定軍節度使

以上三人舊志俱誤載人元

雷淵字希顏一字季默思子登至寧元年詞賦進士甲科攝遂平縣事年少氣銳擊豪右發姦伏一邑稱神明調涇州錄事後改東平尋遷東阿令轉徐州觀察判官興

定未召為英王府文學兼記室參軍轉應奉翰林文字

拜監察御史言五事稱旨彈劾不避權貴出巡郡邑所
至有威譽姦豪不法者立箠殺之爲人所訟罷去宰相
侯肇薦爲太學博士南京轉運司戶籍判官入爲翰林
修撰卒淵軀幹雄偉髯張口哆顏渥丹眼如望洋遇不
平則疾惡之氣現於顏面廣交凡當途貴要與布衣名
士無不往來居京師賓客踵門家貧而待客甚豐腆
劉撝渾源人天會元年詞賦進士仕至石州刺史子汲亦
舉進士爲翰林供奉

劉從益字雲卿撝之元孫博學通經能文章尤工五言詩
登大安元年進士累官監察御史罷去起葉縣令修學

勵俗有古良吏風未幾被召百姓乞留不許入授應奉

翰林文字踰月卒葉人聞之以端午罷酒為位而哭且

立石頌德子祁字京叔在太學甚有文名

魏璠字邦彥渾源人貞祐二年進士天興元年為翰林修

撰二年為元帥府經歷官

按金元史皆附見魏璠事舊志係之元誤矣且僅據魏初

傳為順聖人不言渾產是未考武仙傳也

張升字進之大同人戶工部令史出身為漁陽簿遷絳州

錄事天興二年趙偉之變赴水死岸上數百人皆嗟惜

之

張繼字巨濟先世秦州長春人有官山陰者遂占籍焉曾

祖願宗銀青樂祿大夫祖惠懷遠大將軍父天白號縣簿檄明昌五年詞賦第一仕至刺史爲人蘊藉善談論文賦詩筆截然有律度時人甚愛重之

劉勳字少宣雲中人後居濟南少日住太學與兄譙胥有聲場屋間專工詩學往往爲人傳誦兼長尺牘落筆皆可觀風流蘊藉都無科舉氣見於文字者亦然

曹之謙應州人興定間進士與元好問同官尙書省左司掾機務倥偬商訂文字未嘗少輟後寓居平陽三十載講明道學爲斯文式遠近多從之遊

元

按竺邇世居雲中太宗時爲元帥鎮刪丹州累功拜征行
大元帥中統元年引兵出耀碑谷捷聞賜璽書褒美四
年卒年六十九封秦國公諡武宣子十人徹里國寶最
知名徹里襲職爲元帥屢有功以病廢卒國寶一名黑
梓少擊劒學書個儻好義有謀畧父爲元帥軍務悉以
委之故所至多捷徹里旣襲父職以疾不視事國寶乃
奏言文州山川險阨宜築城屯兵鎮守從之授三品印
爲蒙古漢軍元帥宣布威德至元四年卒封梁國公諡
忠定國寶將卒以子世榮幼命弟國安襲職其後立功
六盤請解職授世榮帝善其讓使世榮襲職錄六盤功

進國安昭毅大將軍招討使

阿沙不花父牙牙封康國王阿沙不花年十四入侍世祖
賜土田給僕隸使居興和之天城嘗扈從上都命飭四
宿衛兵器復使掌門由是知其可用中統初遷大宗正
尋兼兩城兵馬都指揮使至大初拜中書平章政事加
特進太尉軍國大事並聽裁決有盜太府金者疑其狀
詰之果得金以聞就以金賜之命誅盜者辭曰盜誅固
當金非臣所得有請還金以贖盜死帝從之進開府儀
同三司中書右丞相俄復平章政事封康國公遷知樞
密院事至大二年卒於位至正初追封順寧王諡忠烈

子伯嘉訥廉直剛敏嘗爲京尹審錄誣首海商一百十
六人爲盜盡得寃狀官至翰林侍讀學士

趙璧字寶仁雲中懷仁人中統初拜燕京宣慰使中書省
立授平章政事時製太廟雅樂樂工黨仲和郭伯達以
知音律在選中爲造僞鈔者連坐繫獄璧曰大饗用禮
樂所以昭孝報本豈可繫及無辜而廢其成哉奏請原
之改樞密副使命遷中書右丞拜平章政事卒贈大司
徒諡忠亮

魏初字太初從祖璠無子以初爲後初好讀書尤長於春

秋爲文簡而有法中統初辟中書祿之兼掌書記以祖

母老辭歸會詔諸儒各陳經史所載帝王嘉言善政選

進讀之士有司以初應詔授國史院編修官擢監察御

史疏時政多見嘉納出僉陝西四川按察使事歷官南

臺御史中丞卒年六十一子必復集賢侍講學士按元史本

傳宏州順聖人其從祖璠金史著為渾源人附見武仙

傳順聖雖屬今直隸宣化府然既為璠後即當作渾源人也

雷膺字彥正渾源人七歲而孤篤志於學事母以孝聞太

宗時膺甫弱冠得中科選益自砥礪遂以文學稱中統

初授大名路宣撫司員外郎用翰林承旨王鶚王磐薦

為翰林修撰累遷同知恩州事憲府表其能入拜監察

御史出僉河東山西道提刑按察司事轉山南湖北道副使遷行臺侍御史分司湖廣江西丁母憂去起授江南湖西道按察使時蘇湖多雨傷稼百姓艱食請發廩米二十萬石賑之行省議存三之一膺曰宣布皇澤惠養困窮臣職也豈可效有司出納之吝耶年六十二致仕歸老於山陽成宗卽位召諸故老詢國政膺爲稱首多所建白大德元年卒年七十三追封馮翊郡公謚文穆

趙世延字子敬元帥國寶子天資秀發喜讀書究心聖賢

禮用之學易冠當八區密完卽也畫書圖字文臣元二

十一年授雲南諸路提刑按察司判官擢監察御史奉
旨按平陽獄稱明允出僉江南湖北道肅政廉訪司事
敦儒學立義倉修壞隄嚴掠賣良民之禁恩威並著以
母憂去起除江南行御史臺都事歷山東肅政廉訪副
使江南行臺治書侍御史天德十年除安西路總管前
政壅滯者三千牘世延至不三月剖決殆盡至大初由
紹興總管改四川肅政廉訪使除弊興利民甚便之四
年陞中奉大夫陝西行臺侍御史延祐元年拜中書參
知政事遷御史中丞累遷翰林學士承旨昭文館學士
大都畱守外補四川行省平章政事泰定元年除集賢

大學士出為河南行臺御史復入為中書右丞以光祿

大夫兼知經筵事選揀勸講者皆一時名流俄加同知

樞密院事文宗自江陵迎立世延贊畫功為多累加奎

光閣大學士拜中書平章政事與虞集等纂修皇朝經

世大典屢引疾優詔不允封魯國公卒年七十有七贈

太保上柱國諡文忠

按元史按竺邇傳附見子徹里國寶國寶子趙世延自有傳世延子

野峻台見忠義傳舊志僅載世延一人未免罅漏

野峻台世延子由四川行省郎中累遷至黃州路總管升

四川行省參政命與平章咬住分領銳卒八百為前驅

拔巴東縣平歸峽等州又進拔枝江松滋兩縣乘勝趨

江陵戰清水門中飛槍遂死事聞追封涼國公諡忠壯
弟伯忽夔州路總管戰死蜀中追封蜀郡公諡忠愍

張從儉大同人延祐中爲榆次令有異政邑中耆老立碑
記之

李伯述應州人至正間爲河南省左丞卒於兵追封魏國
公諡忠愍

張文顯懷仁人至正間累官吏部尙書清正有守

曹子明舊志作子名懷仁人至正間任上都縣令公正敢爲惟

義自守

高定渾源人好學敦信尙氣節累官雲中招討使都元帥

永安軍節度使長於吏治所至姦宄屏跡

安明本山陰人初為千夫長戍繁峙韓元帥浩見明本特

異授以忠州都統佩銀符使後遷平陽元帥百姓惜其

去攀轅畱之復召還忠州以慰百姓浩大同人至正間

任便宜都元帥兼應州彰國軍節度使撫愛軍民具有

方畧

按史志金貞祐二年陞山陰為忠州元至元二年併入金城後復置山陰縣是元時無忠州也又云

元初以彰國軍仍為應州是不當有彰國軍節度官名也疑是金宣哀間人至正或正大之誤當再攷

忽蘭大同人世襲大同路達魯花赤經七世贈推忠翊運

開府儀同三司上柱國金紫光祿大夫太師宣寧王

省志

舊志俱載按元史速哥傳第四子曰忽蘭龍職速哥有

功於太宗之世以為山西大達魯花赤居八達以北會

至雲中豈其後遂爲大同人耶志載官階與史界
同但忽蘭襲父達魯花赤則非大同路可知推忠翊運
是速哥贈號忽蘭封雲國公亦非宣寧王史稱忽蘭性
純篤其爲達魯花赤也鉅強植弱均役平刑鬪郡賴以
安輯不錄此而僅載官爵何謂人物然其爲
大同人究無確據故仍有舊文以俟攷焉

杜唐卿大同人德高學古官至浙江省參政

張守忠廣靈人任元帥出師屢克

吳明志大同人號樂齋累官國子助教文學重於一時

許子遜大同人授中奉大夫集賢學士有才識通經習古
凡詔誥必更其手文章振卓於時

李巖大同人初業儒博覽經史旁通書算之學爲和寧路
學正棄歸日以著述爲事

明

侯復應州人洪武丙子舉人授國子監丞遷翰林院編修仍兼監丞事尋進司業復前後三涖國子正身率物人士翕然宗之

田炯大同人洪武中起家太學生洊歷中外勤慎簡約後官吏部左侍郎銓選精當有山巨源遺風

羅義建文時鎮遼衛戍卒也靖難師起義詣闕上書請敦親睦之義又走北平上書忤燕王旨下獄及卽位得前所上書赦之授兵科給事中尋遷湖廣參議

李彝渾源人永樂甲午舉人授監察御史以剛直有聲臺

中後歷江西按察使治獄明恕遷浙江布政使益厲素節出納錙銖必謹卒於官

齊政大同人永樂丁酉舉人授鴻臚寺序班改鳴贊秩滿遷主簿仍掌鳴贊事擢寺丞歷右少卿晉正卿疏請致仕優詔不許又四年復疏請許歸展墓畢復回寺理事年七十七始予告歸政貌魁梧音吐如洪鐘侍殿陛進退皆有常度卒遣官諭祭卹典獨厚

郭恂山陰人永樂七年以歲貢舉孝廉授涿州判尋陞錦衣衛經歷所至皆有賢聲

王鼎山陰人永樂辛卯舉於鄉授朝邑知縣莅任公廉有

爲遺愛在民民立祠祀之

張羽山陰人永樂庚子舉人授廣西道御史持已嚴正彈劾無所避改龍泉知縣以親老乞歸羽同年友杜盛亦山陰人任陝西知縣有聲鄰邑疑獄咸取決焉擢最陞吏部主事條奏剴切遷光祿寺丞未幾卒

溫良字易直山陰人永樂辛丑進士授內閣中書舍人陞刑部主事性耿介執法無所撓屈凡所條奏多稱旨累遷戶部郎中

寇謙應州人永樂甲午舉人授戶科給事中時相頗專擅方得上寵謙抗章糾之風生朝宇

郭願廬州人永樂中由貢生授知縣擢監察御史出按京畿屢抗疏力爭彈劾不避朝右咸側目

武達大同人永樂中以鄉舉擢禮科給事才識老成隨事多建白陞浙江布政司參議有惠績尋遷廣西參政致仕卒

李文煥大同人永樂中由太學生累官吳堡知縣廉敏有爲初任神木典史植弱除暴以幹濟稱至是爲親民官生聚教訓日久愈力民皆親愛之

米瓘山陰人宣德己酉舉人端嚴有操行授慶陽府同知遷南京戶部郎中所食惟菜羹艱歸鬻產營葬事起補

永平府知府所得俸錢蠲賑饑民外悉分給宗族

石瑁字信之應州人少歲以孝友稱領宣德己酉鄉試癸

丑成進士收通州倉糧宿弊悉釐革正統初授禮科給

事中擢金華知府鄰郡盜起出兵擊之民避盜來者千

百爲羣乏食瑁欲開庾以濟上官難之瑁曰彼迫於殍

死則亦爲盜矣擅開庾與迫民爲盜罪孰重竟開庾以

濟蘭谿吏徐世揚浦江卒王猛烈皆爲邑患瑁置之法

衆爲歌謠頌之母憂去都御史軒倪言於朝起原官尋

陞福建右布政使入覲福州守雷琅贖以金峻却之上

聞其賢以爲南京禮部左侍郎未幾召爲禮部尙書請

恭於位朝望益孚甫一載而卒年六十有四

吳翔大同人正統初任代王府教授改都御史年富薦其

才知曹縣有惠政

按明史年富傳景泰天順間兩以都御史撫大同翔任代府教授當係正

統年間舊志

作正德初誤

劉文字宗華大同人以鄉貢選習譯字登正統元年進士

授中書舍人仍譯字十四年命提督四譯館丁母憂詔

奪情任事陞吏部郎中天順初以功陞右通政乞休至

家卒

王尙文廣靈人正統丙辰進士授戶部江西司主事以督

餉死於難後英宗錄死事諸臣贈卹有加子翊以蔭入

國學

孫祥大同人正統十年進士授兵科給事中擢右副都御史守備紫金關關破祥督兵巷戰兵潰被殺言官譏劾祥爲棄城遁後有司修關得其屍焚而瘞之不以聞祥弟祺詣闕申言詔卹其家成化改元錄其子紳爲大理寺右評事

孫逢吉字餘慶渾源州人正統丁卯舉人授延長知縣植善鋤強賢聲聞關中考最擢監察御史巡鹽長蘆監軍榆林所至風紀肅然後復按四川江蠻內訌鎮巡不以

聞特疏正其罪救旱疫災蜀人有春雨和風之謠遷陝

西僉事轉副使備兵固原撫洎有方咸悅服晉右布政使遷左布政使引疾歸

趙翔大同人少材武有膽畧正統中以軍功累陞宣府副將戰歿於陣天順初優予贈卹

郭紀大同人正統甲子舉鄉試第一辛未成進士選監察御史累官江西布政使紀少有雋才釋褐後肆力於詩古文辭書法琴曲亦皆精妙當世稱爲三絕

劉道懷仁人景泰丙子舉鄉試第一天順甲申成進士選翰林院庶吉士改吏部主事歷本部員外郎終河南布政使道文章政事卓有可觀解組後閉門養高蕭然終

老

郭容字子仁渾源人成化乙酉舉人以博洽薦於朝召對
便殿稱旨錫賚甚厚任寧海知州興廢舉墜革弊釐姦
時有任虎者爲民害縛而懲之州瀕海濱訓以禮教人
文彬郁有不能葬者資以棺立養濟院粟帛以時頒給
暇則按視疾苦條約利民十六事力行之後督餉雲中
餉如期集羨金千兩還所司人服其廉

張安字定之大同人世襲百戶成化間以功陞指揮僉事
再以功陞山西行都司指揮僉事又以守備大同左衛
地方功陞指揮同知加都指揮使宏治間改守朔州又

劉堪成一年充大同遊擊將軍凡五載充副總兵協守
寧夏以賀蘭山功陞都督僉事賜蟒服正德間寧夏烽
警掛征西將軍印一年大同告警復掛征西前將軍印
俱充總兵官鎮其地時年六十疏乞致仕得請卒年七
十五安生長代北家傳韜畧天資凝重才兼智勇尤能
練士卒知幾料事自偏裨至大將四五十年間大小數
十餘戰未嘗敗績前後巡撫總制多薦之大司馬以爲
鎮將第一子輓輒俱有父風

撒俊大同人成化中由歲貢知陝西醴泉縣增築外城建
立場市歷九載剛方如一

李敬大同人宏治己酉鄉舉知文登縣清操自勵政有實效遷去民思之立碑

王縉山陰人成化中由貢生授臨邑知縣性清約勤於民事早起據公堂治文書不輟民有以訟至者輒情理諭之不率答以荆條不苛責也間復單騎巡阡陌中呼農夫田婦問耕織事如家人父子有特操遇依違不惜以去就爭邑有數大姓爲盜所誣部使者屬縉鞠之無所驗力白其寃部使者移陵縣覆訊悉論死縉怫然卽曰引疾去閱兩月真盜發他邑贓証具在誣乃釋部使者

田天澤應州人宏治壬子舉於鄉任耀州知州時流賊圖定興攻城幾陷天澤督兵拒走之有巨璫挾寵恣睢陝西諸郡縣類被科索跡且至耀天澤曰他州自有耀州自無堅拒之民不爲擾丁外艱歸卒贈通議大夫

成文山陰人宏治十五年進士由知縣擢御史正德中巡按張翼朱彬發其姦翼等賄中人傾文會文劾僉事趙應龍應龍亦訐文細事被逮斥爲民嘉靖中起用累官右副都御史告歸卒年七十

李翰臣大同人正德三年進士官御史巡按山東吏部主事梁穀誣歸善王當沍謀逆翰臣劾穀挾私近倖方欲

邀功謫翰臣爲逆人掩飾逮繫詔獄謫德州判官終山東副使

牛引重山陰人正德中以選貢任陝西固原知縣輕徭緩科勸課農桑百姓親之如家督比一考卽引疾歸家居三十餘年縣官非公事未嘗私謁人咸重之

郭登庸山陰人正德甲戌進士授監察御史出按陝西雅善發姦嘗至一寺察其僧有異密圍以兵搜獲婦女十餘人並軍器若干立治如律改其寺爲書院再按浙江首輔張孚敬謀得永嘉沃田百頃屬之再三登庸不答

至浙巡按及溫遽引疾去二年起督湖廣學政力正文

禮所拔士後多爲名卿遷應天府丞改順天府丞郊祀
侍直爲世宗所知擢大同巡撫以鄉里辭改宣府修築
邊牆餘羨金數萬悉籍以報部未幾以疾乞歸後起陝
西巡撫不赴生平工書法篆隸行草俱臻其妙詩亦瀟
灑有致

甯安山陰人以責任曲周知縣廉靜慈祥興學校敦教化
清訟獄爲當時循良第一以老乞休邑民立碑頌德
郭瑾山陰人以例貢授布政司檢校任事勤慎上官多獎
勞之以疾乞歸課農訓子處鄉黨有敦厚風

李鉉大同人世指揮同知累功進都指揮僉事充參將協

守大同正德七年山東盜起詔充副總兵與張俊等邀賊復與傅鎧張椿等數立功賊平進都指揮同知充總兵官鎮鳳陽諸府尋以江西盜猖獗擢署都督僉事與都御史俞諫同提督軍務賊入據裴源山憑高發矢石官軍幾不支鎡下馬持刀督將士殊死鬪賊敗走追擒之移駐餘干卒於軍詔贈右都督

張汝舟渾源人監生正德間由萬泉經歷陞順天大城知縣時流賊至汝舟以孤力守危城多方禦防賊大合來攻城陷巷戰而死其子策以護父并遇害事聞贈光祿

陳韜大同人正德中任招遠縣丞流賊劉六等奄至城下韜慨然任捍禦事督士民死守越數日外援不至城破被執罵賊死事聞贈登州府通判

李景廣靈人以歲貢判高郵州有政績擢西華知縣正德中流賊攻圍甚急景躬擐甲胄與民死守力竭城陷賊執景以刀脅之景不屈遂遇害事聞贈光祿寺丞錄子延齡入監

蔣應奎大同人嘉靖丙戌進士授工部都水司主事治河呂梁遷營繕司郎中董建兩宮功成超拜太僕寺少卿遷應天府尹以嚴爲治勲戚中有橫肆者悉裁以法捐

金修學宮墾秣陵荒田千餘頃擢副都御史巡撫寧遠
開原一帶入爲戶部侍郎改兵部兼僉都御史應奎性
恬淡爲諸生時嘗鬻衣養父母旣貴益堅素節卒之日
喪幾弗克舉後贈兵部尙書

樊深大同人嘉靖間爲通政使疏劾仇鸞時鸞上方優眷
立斥深爲民穆宗初復官尋遷刑部右侍郎時恩赦死
罪以下而流徒已至配者所司拘律令不遣深言殊死
猶赦而此反不及非所以廣皇仁詔從其議旋晉左侍
郎罷歸卒

溫景葵字汝揚大同人嘉靖戊子舉人令長山墾御史守

蘇州並有治績庚申歲自霸州道移任永平四年創制
運籌詳審精密如穀賤傷農立爲糴貯法因軍餉對支
擾害商人立爲入倉法並立爲稽塗法疏准惜薪司法
修建昌營石門寨半壁山等城爲邊疆保障處置有方
財不費而民不擾選士入孤山書院延師豐稟嚴程課
如親子弟科甲多出其門特擢都御史巡撫順天三載
告病歸

劉文陽和衛人襲指揮同知累遷署都督僉事涼州右副
總兵嘉靖八年以總兵官鎮陝西行軍奏績十一年戰
寧夏河東克捷積前功進都督同知後落職起鎮延綏

改甘肅卒諡武襄

舊志不載通志作劉文慶今依明史改正

任中立大同人嘉靖辛卯舉人初任沂水知縣時盜匪聚

掠建策擒獲陞順天府推官轉戶部主事征倭敘功授

正五品

郭石山陰人嘉靖甲午舉人以母老就選授滕縣知縣墾

荒田治兼并寬徭役捐俸構橋民德之名曰郭公橋發

姦摘伏姦猾不敢欺訓課諸生周其貧乏戒其斲弛士

皆以行誼相勉辛酉分校所錄皆知名士陞戶部主事

滕民遮留盈途建祠祀之累官整飭延綏道駐榆林謹

烽遂嚴下候曾置城堡練習士卒丁艱歸補山東按察

司僉事尋致仕

郭民敬山陰人生四年知書八歲通音律言動不苟巖然如成人第嘉靖丁未進士爲壽光令治行濟南第一徵拜御史按南畿奏蠲租賦數十萬民甚賴之再按蜀過里值烽警山陰土城雉堞不完民敬爲畱行集丁壯督軍士城守甚備邑人恃以無恐至蜀詢民疾苦彈劾無所避移疾歸數月而卒

馬彥大同人嘉靖壬子舉人文章行誼爲士林望初守薊州遷鎮江府同知防紅練舟師盜賊屏跡署丹陽諸廢聿興開馬嘶港爲一邑永利擢戶部員外尋陞潁州兵

大同府志 卷之三
備僉事賴多盜難治身多方擒之民賴以安泗水衝嚙
有司堤之輒壞身親督料理乃堅厚可久焉以憂歸哀
毀得疾行至廣陵卒子呈德萬歷庚子解元庚戌進士
官中書舍人

李一鶚翰臣孫嘉靖乙卯舉人性醇篤初任無極知縣調
江寧以治最陞南京戶部主事轉刑部郎中爲同舍所
忌左遷鄜州同知歷真定府通判汝州知州以親老取
道歸省遂不赴

王用中大同人嘉靖丙辰進士授山東平原知縣邑多盜

用中立法捕緝四境帖然陞戶部主事引疾歸時年

編不輟撫臺請主雪中書院多所造就少受書於從兄
用賓事之若嚴父用賓性醇篤精舉業屢舉不第嘉靖
中以貢知靖海縣告歸讀書課子弟與郡中張別駕應
武溫撫軍景葵文酒從容號雲中三老鄉論敦倫方正
者必首王氏兄弟焉

覃應元字德芳大同人嘉靖乙丑進士授歷城知縣縣近
郭多汙萊爲開田北山下引湖水爲渠教以灌溉又開
東山險路便車馬往來三年奏績第一遷南京刑部主
事歷戶部員外兵部郎中出爲河南府知府擒妖匪許
天信及嵩山礦徒首惡郡內宴然遷四川分巡副使移

陝西副使備兵延綏整神木鎮疆諸城堡墾永濟荒田
調湖廣長沙兵備遷陝西苑馬少卿致仕卒之日圖書
數卷蕭然如書生

王汝浹字見田懷仁人愛恒山名勝卜居渾源積學能文
嘉靖甲子舉於鄉十二上南宮不第遂行吟泉石間貧
不能具饘粥不爲請謁人以其高之

薛綸字汝爲號幼泉其先興化人徙居天城登隆慶戊辰
進士授長安令息民力清土田伸理張良弼等寃擢兵
部武選主事出爲開封守彈壓強藩摧抑豪石擢陝西

憲副歸卒於家

張應武大同貢生嘉靖中授大城知縣以仁恕爲治稱廉
平遷河間府通判益務寬大未幾乞休去應武深經術
於易尤邃旣歸後探討不輟子孫多以科名顯

石敘渾源人嘉靖間由歲貢任陝西白水知縣歲饑民多
流散敘集父老開誠撫綏民皆感泣復亟爲請賑多所
全活

宗民牧山陰人博洽羣書醫卜天文地理皆通曉尤於詩
備諸家之體時當選貢拔第一次名齒且長讓之人服
其誼後七年竟以待年得官任永壽縣丞歸耕讀終其
身

林椿字永年大同人幼有孝行嘉靖中襲父職右衛指揮
僉事積功晉指揮使歷左副總兵協守大同與總兵張
達並戰歿贈都督同知諡忠勇立祠賜祭塋子鳳騰蔭
指揮僉事世襲

栗繼芳大同人嘉靖中以試百戶戰於小鶯圪塔圍之數
重繼芳不少挫力益奮旋歿於軍事聞詔祀勸忠祠

關山大同人嘉靖中以都指揮使任宣府中路叅將葛峪
之戰風霾大作矢攢射如雨山督將士力戰自辰至酉
越次日黎民復戰遂歿於陣兵部上其狀賜贈卹

焦澤大同人剛毅有謀先以遊擊從總兵周尙文戰彌陀

鳳凰山皆先登論功陞西路叅將嘉靖間總兵大同邊疆寧謐後移鎮昌平掌團營握兵最久家無餘貲勲勞茂著鮮有繼者

王福大同人驍勇通兵畧嘉靖中以指揮管千總事二十八年戰於曹家莊陷陣以死事聞敕卹有加

馬舉字虎山大同人以材勇充紅旗把總奮力陷陣馬蹶被殺巡撫撰文遣祭厚恤其家

王家屏字忠伯臨邑令縉曾孫登隆慶二年進士選庶吉士授編修預修世宗實錄萬歷初進修撰充日講官敷奏剴摯上嘗斂容受稱爲端士再遷侍講學士十二年

擢禮部右侍郎改吏部甫踰月命以左侍郎兼東閣大學士入預機務去史官二年卽輔政前此未有也每議事秉政持法不亢不隨越二年遭繼母憂去服甫闋詔進禮部尙書遣行人召還家屏請上勤視朝評事雜於仁進酒色財氣四箴將獲重罪以家屏言得善去十八年久旱極言災異狀且乞賜罷歸用避賢路不報再疏乞罷不允乃視事家屏端嚴秉公百司事一無所撓性忠讜二十年春給事中李獻可等被謫家屏封還御批力諫而遣謫者相屬家屏遂引疾求罷言甚切直奏不下而責以希名托疾家屏求去益力復兩疏懇請詔馳

傳歸家屏柵國止半載又強半杜門不獲展其志以懃
直去國朝野惜焉閱八年遣官賚敕存問賚金幣羊酒
又二年卒年六十八贈少保諡文端熹宗立再贈太保
任一子尙寶丞家屏家居時朝鮮用兵貽書經畧顧養
謙曰今第以保會稽之恥激厲朝鮮以城楚邱之功獎
率將吏無爲主而爲客則善矣養謙不能用兵竟數年
無功其深識有謀類此

王汝濂懷仁人隆慶辛未進士由兵部主事歷陞陝西按
察副使跨蹇驢將一僕之官入關微服按境內問民疾
苦得土豪怙勢凌轍鄉里好持吏短長不法狀庭訊時

具服將寘之法會有權要者袒左之獄漸解汝濂力爭
不得遂移疾歸事母盡孝養年五十母卒旦夕跪哭隆
冬忘寒久之以鶴膝疾終

廷楠字棟叔渾源人少有大志以經魁登隆慶辛未進
士授涇陽知縣獄訟滋繁吏緣爲姦懲宿蠹繩豪右吏
畏民懷捐俸修葺學宮歲饑申請蠲賑移南大理評事
有寃獄衆避不爲理亟爲平反有坐法當刑行金祈免
叱出之寘於法異已者騰謗遂罷歸

王家旦懷仁人孝友聞閭里由萬歷乙卯鄉舉授高密知

縣惠績茂著稱循良吏

田蕙應州人萬歷甲戌進士任蒲城知縣陞戶部主事歷
通政司左右參議性剛直不阿爲忌者所中歸里杜門
謝客課耕訓讀士論多之

周祉字錫菴天城人由明經任河南府判檢積案理寃獄
裁汰礦稅尋引退復起判鞏昌剔茶馬弊節供餉循資
陞趙州知州遮道攀畱督撫交章請加同知銜判鞏如
故尋以疾歸士民爲建生祠年六十卒於家

李植字汝培大同人父承式嘉靖丙辰進士官福建布政
使僑江都植舉萬歷五年進士選庶吉士授御史十年
冬張居正卒植發司禮馮保十二大罪上震怒罪保植

由是見知明年巡按畿輔請寬新定百官乘驛禁從之

時卜壽宮於大峪山植扈行閱視謂其地未善欲疏爭

不果明年還朝擢太僕少卿廷臣忌之十三年貶戶部

員外郎尋調綏德州知州引疾歸居十年起沅州知州

屢官右僉都御史卒贈兵部右侍郎承式兄承弼嘉靖

丙辰舉人知新安縣時水壞田舍嘗爲民請發金築堤

王家壁家屏從弟萬歷己卯舉人任蘇州府通判性廉介

不爲矯激時有誣陷良善者力爲昭雪署嘉定太倉築

興除釐剔洞悉民艱以直道忤時改除河間督運楊村

會畿輔大旱河水涸躬率畚築決渠引水使者旌其勞

勤以疾歸

王濬初字啟哲家屏長子耽經史舉萬歷乙酉解元居父
艱請贈請恤請並祭合葬殫心竭力旣免喪授中書舍
人一時大制作多出其手久之遷戶曹除柳州知府未
赴任告歸閉戶著書弟湛初萬歷丁酉副榜以蔭授中
書舍人同官皆科甲侈口詩文湛初間露一二語咸驚
服性耿介不附權貴久之轉屯司受命山陵工拮据畚
築不卹勞怨卒贈太僕少卿

陸敏捷大同人萬歷壬午舉人性率真達於政事任荻道
知縣興利剔弊多善政陞德州知州遷河間同知時靜

海縣饑民煽禍敏捷擒首惡散餘黨不動聲色而定謝
掣鹽常例重修天津城築重隄護運河迄今猶稱陸隄
云

李杜植弟萬歷丙戌進士幼穎異十三爲縣庠弟子員十
九舉於鄉二十成進士授遵化知縣威惠服人會巡撫
恡餉姦弁嗾譁者數千人擐甲四集杜諭以恩信軍羅
拜受命詣撫力請餉撫以庫竭爲詞杜用縣備給之乃
寧陞禮部郎卒於官弟櫝天性孝友篤學高行天啟補
歲貢任平定州學正士多造就

張爾基應武孫第萬歷壬辰進士三任知縣政清訟理民

歌其惠以卓異行取陝西道御史指陳時政直聲震遐
邇巡按貴州戡定南蠻轉山東僉事陞榆林副使得軍
士心以功加右布政在告數年起寧紹副使

何廷魁字汝謙大同人父嚴師性孤介力學能文章與兄
餘師齊名以貢判邠州卒廷魁第萬歷二十九年進士
授涇縣知縣調寧晉遷刑部主事歷歸德衛輝河南知
府西寧副使坐考功法復爲黎平知府遷副使分巡邊
境及城潰廷魁懷印率其妾高氏金氏投井死婢僕從
死者六人贈光祿卿再贈大理卿賜祭葬諡忠愍世蔭
錦衣百戶

何廷俊廷魁從弟父餘師性孝友工書善詩賦以選貢任
青州府經歷用不盡才時論惜之廷俊萬歷間貢任平
陽教授歷知臨潼項城二縣遇旱禱雨輒應蝗不爲災
及歸杜門著述中年喪偶不再娶孫大印舉丁卯鄉試
官刑部郎

馬呈秀豸之從子萬歷甲辰進士初告終養授評事遷寺
正恤刑雲貴全活甚衆出守延安捐俸治河患時有烽
警呈秀單騎爲士卒先大猗孫養蒙爲民害寘之法尋
備兵商雜陞漳南叅政時盜匪起伏不常設謀擒斬民

類以寧至今立祠祀之

王從義大同人父景新謹厚多隱德從義性孝友端方廉
介登萬歷丁未進士授評事多所平反歷郎中陞東昌
知府以勸農興學爲首務修濬城池士民勒石建祠以
祀秩滿以副使備兵壽 會徐鴻儒之變多方弭制殲
渠魁而安善良全活數萬人究民頌之遷河南叅政未
幾以右布政備兵沂州嚴立保伍一境帖然擢河南左
布政持身廉約禁絕饋遺戊辰進副都御史巡撫山東
適歲歉招撫流移數萬人開墾荒田擊除大猾不遺餘
力尋以協餉功進戶部右侍郎引疾歸總督楊嗣昌特
舉不起母喪哀毀骨立幾至於絕

李懷信大同人由世蔭歷都指揮僉事掌山西都司廉勤數被推薦萬歷中遷延綏中路叅將迭定邊副總兵勇敢有謀四十三年擢甘肅總兵官延人爲立生祠威名著河西四十七年充援勦總兵官天啟二年鎮大同明年罷後追功進左都督卒於家

麻祿大同人嘉靖中爲大同叅將右衛被兵與副將尙表固守乘間擊勝之以宣府副總兵入衛與子遊擊錦並有戰功錦少從父行陣有戰績累官千總協守大同以罪奪官當事謂錦父子兄弟並敢戰曲法貸之屢遷宣府遊擊將軍以勤王功進秩一等遷大同叅將隆慶初

進副總兵與弟貴並有保境功萬歷五年擢山西總兵官尋改鎮宣府卒弟富弱冠從父臨陣力戰死

麻貴祿子由舍人積功至都指揮僉事充宣府遊擊將軍隆慶中遷大同新平堡叅將保山陰懷仁應州諸城與兄副將錦力戰有功受賞萬歷初再遷大同副總兵十年冬以都督僉事充寧夏總兵官尋徙鎮大同頗以殊勞蒙賜賚十九年被劾戍守明年起戍中爲副將總兵解平魯堡圍及戰石溝奏捷以功增秩子蔭擢總兵官鎮守延綏二十二年下馬關被兵寧夏鎮將不能禦總督葉夢熊急檄貴赴援連戰驪馬臺薛家窪鼓枹歌凱

上爲告廟宣捷進署都督同知子世蔭明年勒兵萬五千人出紅山爲中軍出高家堡神木孤山爲左軍出定邊安邊平山爲右軍而自以大軍當一面奏捷進秩子蔭尋以病歸二十五年日本封事敗起備倭總兵官加提督盡統南北諸軍貴馳至朝鮮王京倭乘勢來逼別遣副將解生守稷山頗有斬獲倭將行長青正退會經畧邢玠經理楊鎬至分兵三協貴與鎬督左右協兵專攻青正青正退保島山進圍其城明年正月行長來援九將兵俱潰詔責貴以功贖貴復居東當青正數戰有功十一月青正遁貴遂入島山西浦諸路俘斬以千計

師旋進右都督予世蔭三十八年引病乞罷詔乘傳歸
貫果毅驍捷善用兵東征西討並著功伐稱一時良將
從子承恩都督同知宣府延綏大同總兵官更歷諸鎮
以勇力聞承詔寧夏叅將從征有功承訓薊鎮副總兵
承宣洮岷副總兵承宗遼東副總兵麻氏多將才人以
方鐵嶺李氏曰東李西麻

高策字汝籌天城衛人登萬歷八年武進士權九窰堡守
備豪右斂迹二十年倭犯朝鮮以大同遊擊統兵馳援
身冒矢石擊斬甚衆陞寧山叅將進薊鎮協守中路副
總兵屢戰有功閱二載卒於官時年六十

梁琦應州人萬歷中以世襲指揮使官寧夏遊擊馬蹶爲賊黨許朝土文秀等所執磔殺之至死罵不絕口事聞贈都督立廟賜額命所司春秋祀之

張萬邦字三錫陽和衛人慷慨多大畧萬歷二十年寧夏騷動萬邦以材官應募戰上城有功授本衛千夫長累陞大同左衛副將駐得勝口著績防禦四十一年晉本鎮總兵官

宋偉字震川山陰人父國賓萬歷中官平魯衛叅將明斥堠嚴刁斗時簡練雲西一面資保障焉偉沉勇多智畧

山山陰守禦千戶累陞兆西副將榆林總兵二十餘年

戰輒有功崇正二年移鎮關門以疾歸十七年李白成
犯山陰偉率家僅守城城陷服鳩死

楊茂春大同人驍勇熟韜畧萬歷中任指揮僉事累官太
原總兵大啟初移鎮薊門崇正初以宿將召對便殿詢
制禦方畧特命鎮守大同絕無烽警後晉秩都督同知
賜蟒玉

李柄大同人天啟壬戌進士授中書選御史巡節慎庫一
塵不染出巡浙修海堤嚴捍禦爲永賴計差滿繼巡雲
南卒於官咸爲悼惜

左光圖字翼宸應州人天啟辛酉舉人授河南嵩縣知縣

性至孝母早卒繼母薄常虐使之光圖色愈恭雖呵責敬承不違薄親愛如已出嵩之破也光圖被執將殺之薄泣曰我繼母也兒事我孝願以我代光圖得間投水中不死因奉薄入嵩山薄尋卒間道奉柩歸葬蕭然自守屢日不火泊如也親知餽遺胥不受尋歿

李楨大同人崇正初累官遵化中營叅將性忠勇每戰輒先登爲麾下倡二年督所部勤王擐甲橫刀大呼徑進陷陣死後得其屍猶勃勃如生事聞贈都督僉事

曹文詔大同人勇毅有智畧從軍積功至遊擊崇正三年

遷叅將加都督僉事七月陝西賊熾擢延綏東路副總

兵四年四月克河曲城追斬王嘉允以功擢臨洮總兵
官獲點燈子馘李老柴及其黨一條龍又分勦綏德宜
君清澗米脂賊累戰皆大捷五年三月大戰西濠生擒
杜三楊老柴餘黨攻莊浪走高山遊擊曹變蛟等謀而
上賊潰走追擊屢敗之文詔縱厲給其黨殺紅軍友
遂蹙敗之水落城追至靜寧州殄其衆可天飛劉道江
圍合水文詔往救匹馬繫萬衆中諸軍望見夾擊賊大
敗殪屍蔽野餘走銅川橋文詔率變蛟等追及之大戰
陷陣賊復大敗尋會破賊甘泉之虎兇凹餘賊分竄追
擊之隴州平鳳間十月三戰三敗之遂蹙賊耀州錐子

山其黨殺獨行狼郝臨菴以降關中乃平巡撫范復粹

奏文詔功第一巡按吳銜推獎尤甚兵部抑其功卒不

敘時賊見陝兵盛多流入山西敕令入晉協勦陝西山

西諸將並受節制六年斬混世王五臺孟定襄壽陽賊

悉平太原賊幾盡又屢敗之澤沁遼潞間賊避文詔鋒

流入河北命移師往討遂率五營軍夜襲破賊於林縣

七月大敗懷慶賊馘其魁滾地龍追斬老回回於濟源

而四川石砮土官馬鳳儀軍敗沒於侯家庄賴文詔馳

退賊河南巡撫反劾之部議文詔怙勝而驕乃調之大

同七年七月駐懷仁八月移駐鎮城以失陷靈邱及他

屯堡論罪請戍山西巡撫吳牲薦乃命爲援勦總兵官
八年三月八省總督聞文詔整兵南大喜卽令擊賊隨
州追斬賊三百八十有奇四月令由閩鄉取山路至商
雒文詔躍馬去五月五日抵商州賊去城三十里營火
滿山文詔夜半率從子叅將變蛟守備鼎蛟都司白廣
恩敗賊深林中追至金嶺川賊據險以千騎逆戰變蛟
大呼陷陣諸軍並進賊敗走聞大小曹將軍名皆怖懼
已而自漢中馳赴靜寧泰安清水秦州間賊衆且二十
萬文詔所部合張全昌張外嘉軍止六千六月前鋒中
軍劉宏烈被執俄副將艾萬年柳國鎮復戰死文詔聞

之瞋目大罵亟詣總督請行總督喜而無兵可策應文
詔乃以三千人自寧州進遇賊真寧之湫頭鎮變蛟先
登斬首五百追三十里文詔率步兵繼之賊伏數萬騎
合圍矢蝟集有小卒縛急大呼曰將軍救我賊中有識
之者曰此曹總兵也賊喜圍益急文詔左右跳盪手擊
殺數十人轉鬪數里力不支拔刀自刎死總督聞拊膺
大哭上亦痛悼贈太子太保左都督賜祭葬世蔭指揮
僉事建祠春秋致祭弟文耀從兄征討數有功河曲之
戰功居多後擊賊忻州戰死城下

復河曲五年連破紅軍友等劇賊勇冠諸軍御史吳牲
薦爲叅將文詔移山西從戰輒勝及文詔改鎮大同山
西巡撫許鼎臣言晉賊紫金梁雖死老回回過天星大
天王蝎子塊闖塌天諸渠未滅變蛟驍勇絕人麾下健
兒千百才乃文詔亞乞畱晉中從之七年南征湖廣賊
又北援文詔於大同冬文詔謫戍變蛟亦以疾歸明年
文詔起討陝西賊變蛟以故官從大捷金嶺川麀湫頭
鎮皆爲軍鋒文詔歿收潰卒復成一軍總督薦爲副總
兵置麾下破賊關山鎮追奔三十餘里又追闖賊高迎
祥戰鳳翔官亭尋擊敗之於乾州迎祥中矢走已而夜

出朱陽關官軍不利賴變蛟陷陣乃獲全九年破闖將
澄城轉戰安定會寧抵靜寧固寧賊屢挫秋擊敗混天
星於蒲城賊西走復追破之十年二月部卒勾賊謀犯
西安變蛟方西追過天星聞變急還賊遂遁四月賊入
洮岷階文間諸將力戰郭家壩賊死傷無算九月擢都
督僉事爲臨洮總兵官降小紅狼十月賊入蜀從總督
由沔縣抵廣元賊走還秦變蛟等回軍邀擊之十一年
四月以平賊踰期鑄五官戴罪辦賊闖賊李自成白洮
州出北地變蛟追擊之轉戰千餘里不解甲者二十七
晝夜餘賊潰皆降惟自成東遁變蛟窮追而設二覆於

潼關之南原變蛟大呼斫賊賊奔入伏中大敗死者相枕籍村民用大棒擊逃者自成僅從七人竄餘皆降關中賊盡平錄功晉左都督十一月從總督入衛京師明年畱屯遵化陝西降賊復變總督鄭崇儉請變蛟軍西還不許尋用爲東協總兵官十五年二月殉城松山贈榮祿大夫太子太保世蔭錦衣指揮僉事

傅應鳳字菊菴山陰人以舉人任知縣崇正九年由內鄉調澄城寬猛合宜遇土雍雍有禮十三年饑民倡擾賑贍勸貸勦撫得法陞淮安府同知

安懋修天城人萬歷乙卯舉人任直隸肅寧知縣崇正十

一年流寇攻城急督率鄉勇死守賊造雲梯攀援而上
懋修短兵接鬪手斬十餘人焚雲梯賊墜死者不可勝
計乃却走孤城垂陷復全敘保障功第一懋修謀勇兼
備禦賊經年艱辛萬狀卒以救援不至力竭遇害事聞
贈光祿少卿

吳從義字裕強山陰人崇正庚辰進士授長安知縣時闖
賊蹂楚豫間漸入秦境督師孫傳庭總七省兵駐省會
從義出已資供征調費復設法賑貸闖賊入關從撫臬
守禦慷慨乘障日夜無倦色城破引刀自刺不死投於
井賊至將援以上大罵不止賊怒推石斃之

郭運昌山陰人官鴻臚寺主簿崇正十七年闖寇犯山陰
運昌在籍罵賊死

張爾塾大同人丰姿魁岸慷慨有氣節精騎射嫻韜畧居
家事母以孝聞鄉里爭訟率一言決定人服其公崇正
癸未官撫標守備都城戒嚴奉令領健卒五百爲前鋒
直前搏戰及圍之數重乃下馬步鬪箭不虛發身被重
創奮擊愈厲會日暮救援不至顧左右止存二三人乃
仰天大呼曰見危授命吾得死所矣遂力戰死事聞贈

卹

劉永昌安東衛人世襲指揮使歷陞江南總兵崇正間流

大國府志 卷之三 五
寇猖獗奉命勦賊鎮守江淮十七年闖賊陷應州執其
父令招永昌永昌曰國破父執生不能殺賊惟有一死
以報朝廷耳因檢軍冊置案上三鼓投江死後人爲樹
碑題曰劉大將軍盡節處

馬振麟張岩俱陽和衛人振麟官寧武遊擊闖賊陷城督
兵巷戰與周總兵遇古俱死岩字維石宣府叅將陣亡
溫鉞大同人父景清有膽力嘉靖三年鎮兵殺巡撫張文
錦其後巡撫蔡天祐令景清密捕首惡戮數人其黨恨
之十三年殺總兵李瑾因遍索景清深匿不出遂執鉞

及其母王氏令言所在鉞曰爾欲殺吾父而使我是

我殺父也如讐不可解則殺我舒憤足矣賊不聽逼母使言母大罵不輟賊怒支解以怵鉞鉞大哭且罵并被殺事平母子並獲旌

喬景華山陰人扶母避流賊其父稍後見執華復奔救翼之右臂受刃更易左臂父子仆地賊感其孝舍之去

曹得懷仁人由燕山左護衛總旗遇戰勇銳奮前以一當百累陞中軍都督同知守德州馭下有威惠

李若葵大同廩生崇正十七年闖變與兄象葵弟諸生心葵從子柱周衣冠拜畢題壁曰一門完節偕婦女五口俱縊死

大同府志卷之三十三
劉賢山陰諸生遠方弟子爭負笈而從貧者束修遺之不受也後以貢任真定訓導漳縣教諭固原學正歷二十年冲和之氣可掬士多造就有古師儒風範焉

王爾揚懷仁人代府儀賓博學工書翰尤慷慨好義嘗讓田產焚借券建坊旌獎崇正間闖賊薄境謂郡主曰恨不能戮力破賊義不可辱遂相對投繯而死

李茂森孫可大俱靈邱貢生茂森官陝西知縣告歸崇正七年城陷死於兵可大考授知縣未仕亦抗義不屈死

大同府志卷之二十三

大同府知府吳輔宏纂輯

人物三

國朝

鮑承先應州人負大畧嘗上書祖堯舜以行仁宗湯武以

除暴

世祖章皇帝召見殿上

賜蟒幣鞍馬尋授內祕書院大學士勦撫諸方畧多所規畫

特畀世職以彰厥功承先事繼母孝性簡潔食粗糲衣大

布衣第舍裁蔽風雨居鄉退讓歲歉傾橐賑之又嘗修
府縣學創桑乾河石橋往來者胥頌其德卒祀鄉賢子
孫隸正紅旗籍多至通顯

劉愈奇靈邱人順治初授河南考城知縣陞歸德府同知
所至有聲擢知四川保寧府值吳逆之變抗節不屈拘
繫不食死

杜國慶大同人以武舉累官沂州鎮標遊擊饒材勇精騎
射慷慨許國嘗有死綏之志順治六年土寇竊發率其
黨攻城武縣國慶馳往救之擒渠魁王心茂王希純等
已復攻定陶定陶國慶汛地也偕縣令李文學殫力防

禦一日遇賊振臂大呼徑入其陣文學督兵繼之賊黨披靡而援兵不至賊復合圍甚堅國慶屢馳擊不得出與文學偕死撫按合疏以聞得

贈卹如制

李國英字培之滿洲籍大同人少徇儻志氣岸然從 肅

王收四川以才畧擢巡撫闔荆棘招流移蜀疆漸定晉尙書總督川陝以秦事付陝撫再統師入川大興屯田以牛種數萬給墾者軍儲獲充又疏設學政頒憲綱撫軍士復遐疆招來譚姓大族請封侯伯者四人世所稱三譚也與士卒同甘苦廬帳簞食外無長物俸糈盡供

椎牛饗士之用秦蜀胥倚爲樞壁晉太子少保以勞成
魯明大同人性果毅習韜畧順治初流寇餘黨竄入雲朔
間所至蹂躪明慨然詣軍門陳勦撫策從定應朔山陰
懷仁諸邑以功守備宣府值姜瓖變村堡多煽動明嚴
部伍緝奸宄深壘堅壁以待變境內帖然累遷至潼關
協鎮保障邊陲兵民咸頌其德

鮑敬字簡公承先第四子襲父世職隸旗籍順治乙酉隨
征陝西商州延安進勦四川俱有功姜瓖變從征大同

克捷回京授本旗叅領陞都督同知河南河北總兵官

統領秦豫兵會勦湖廣郝寇以楚師敗挂議起補叅領
康熙甲寅滇逆之變統本旗兵出征襄陽本年仍以都
督同知充河南通省援勦總兵官尋晉右都督鎮守大
同入爲鑾儀衛鑾儀使卒於官

李承鑛大同人順治六年由選貢知房縣居縣西羊角寨
招撫流亡賊潛伏山谷一日夜行三百里襲之被執不
屈死

韓一蘇廣靈人性醇謹與弟一歐事其父廷和以孝聞順
治元年闖寇敗歸所過剽掠至南和縛廷和去二子奔
赴賊營各祈以身代賊梃刃交下一歐血肉立糜爛一

蘇亦垂斃氣息裁支綴猶祈免其父不少止賊黨有義之者因釋其父後賊退一蘇復甦知父獲免喜曰吾雖死無憾而不能不痛弟之死於劇賊也久之漸起事父以壽終論者謂二人生死殊途純孝一轍焉

常志强大同人志旺其弟炳其子也順治五年姜瓖變賊黨王忠爲飲具召常酒半以謀告炳叱之忠語漸逼志强勃然推案起嚙指誓死拒聲色俱厲因縛送左雲衛僞叅將所杖三人各百餘慘毒備至志强瞋目大罵賊怒切其頰血濺賊面遂遇害志强父子被囚會大兵

克復左雲擒忠等斬之乃得免炳後官大水口操

周于德廣靈諸生幼借弟子道受學於父之屏姜逆之變
賊黨徇郡縣至廣靈知縣范發愚乘城固守檄徵鄉勇
之屏督衆往于德請從不許則曰安有父行而子不衛
者于道亦慨然起曰安有父兄胥行而子弟不衛者之
屏心獨喜謂此真吾子也賊猝邀擊於途二人奮長矛
振臂大呼逐賊旋陷入賊壘被執不屈俱死之同邑李
莫者之屏妻弟之子方當令徵兵衆莫肯前莫憤甚尋
聞周氏父子往請曰昔人恥獨爲君子願分餘烈于德
曰得子同往甚善及周氏兄弟陷於賊莫馳救之亦爲
賊所殺

高鼎大同人明季遭闖寇之亂聚鄉勇保五臺順治丙申

來歸授叅將尋陞湖廣興國州副將調浙江湖州協渠

匪趙太茆二茆三等俱就擒滅康熙乙卯充總兵官從

征吳逆將軍趙良棟檄守風火臺險隘備著勞績賊平

擢福建興化鎮總兵良棟奏松潘爲西川門戶非高鼎

不足彈壓遂改鎮松潘癸亥奉命進勦巴豬寨羣醜乃

規度形勢設疑兵誘戰自引輕騎閒道出王黃六定寨

直搗其巢賊驚潰縱擊大破之斬數百級餘悉降在鎮

十四載威信大行人民悅服年七十四屢疏乞歸又五

年而卒

贈都督同知賜祭葬鼎目光如炬趨捷善馳殺尤擅火攻
智勇少公稱一時名將焉第四子麟端勇捷有父風以
蔭授藍領侍衛歷川北鎮右營遊擊陞叅將嘗從征滇
蜀累樹戰功孫浚康熙閒官蘇州知府有賢能聲

全光英大同人由行伍起家順治十六年任江蘇才師協
都司海賊鄭成功陷崇明遂犯江寧光英從總兵官梁
化鳳率兵擊走之克復崇明以功超擢副將協鎮其地
海疆晏然加授騎都尉世襲

徐化溥號雲門陽高人早喪父學殖猶未就顧不以凶閔
少阻鍵戶下帷經史暨他瑣雜書胥究闡奧著古文辭

詩歌風骨尤高一時名人如曹秋嶽魏環極皆重之撰
雲中志十四卷詳密簡括可佐國史年踰耄日坐小牕
前手一編吟詠不輟間策蹇驢過知舊或徑詣佳山水
數日乃返雲門集若干卷馮學博訥生爲刊行於世其
甥滑國賢字賓王善詩文博雅有雲門風由貢官訓導
郭傳芳字九芝大同人父之麟前九江府監紀同知傳芳
順治戊子膺選貢曹侍郎秋嶽嘗言雲中有二士徐化
溥與傳芳也銓注咸寧縣丞諸上官雅知之會修陝西
通志命司其事署郃陽長安縣篆所至有聲遷富平知

縣真逆之變袁甲乘大霧徑鳩其巢斬渠首二人獲僞

劄三十餘紙時轉輸填委多所寬假嘗抗聲曰爲百姓
卽所以爲朝廷也舉卓異遷達州知州邑人攀泣信宿
不得發抵達州匝月病卒無以爲殮甥僕從者亦繼死
後其子訓導荆石匍匐往始克以喪歸富平李太史因
篤誌其墓云

郭中鼎字五黃大同人究心易理樂道不倦順治十二年
以薦起丹陽知縣興利除弊不朞年威惠大行暇則討
論經史手不釋卷卒於任喪歸囊無餘貲士民哭送數
十里不絕

張子德大同人居家以孝友著登順治辛丑進士選威遠

教授捐俸修學宮月集諸生課文藝尤邃於易理詩學朝夕講貫以闡明經術鼓勵士風爲已任歲歉奉檄散賑多所全活累陞國子助教兵部主事告歸卒

母儀字範公陽高人以貢士任教諭陞廣東長樂知縣弭盜賊除強暴息訟安民循聲特著調繁英德去民建生祠及治英德發倉賑饑請豁鹽課逋欠民頌其德如長邑焉崔邑俊亦陽高人由明經歷巫山令卽州牧勤敏多善政所至人思之終夔州府知府

穆生輝天鎮人驍勇有智畧聞人道拔幟舉旗一輒慨然

神往起行間存歷叅副將所向有功世襲拖沙喇哈番

順治十一年陞湖廣鄖襄總兵內陞變儀衛使士民攀
留復任十八年小醜鴟張督士卒討之戰既合不利衆
皆殊死鬪兵盡矢窮猶揮刀馘斬數十人卒以死殉事
聞給全葬

張友鳳應州人少負將畧以勇幹聞康熙十三年隨征滇
黔所向克捷由雲南永北守備累擢四川建昌鎮總兵
官威望益著進加左都督致仕歸卒

羅光乾字文九天鎮人先世以武功顯父映壇由武進士
官副府光乾生而勇毅喜談兵少從軍旅間康熙十七
年鄭芝龍跳梁隨楊帥奮臂征討殺賊有功予都督銜

大周府志 卷之三十一
七
越六年授宿遷遊擊累擢真定副總兵調湖州協值杭
嘉湖三郡水災捐俸施粥力請于中丞具題蠲賑全活
甚衆湖人建生祠祀焉尋調浙閩督標中軍復調澎湖
平賊匪朱一貴雍正元年乞休卒於家

母椿齡英德知縣儀次子由行伍累官辰州協副將署鎮
算鎮總兵官值九股苗蠶動經畧檄令攻公鷺寨寨踞
一峻嶺徑多叢林密箐四面環溪深不可測乃設巨艦
架飛梯設藥箭仰射寨中火燄發燒賊畧盡功成未四
旬也俄以疾作卒於軍

履邱如總兵制子一子官

魏麟大同人康熙三十五年以材勇從撫遠將軍征噶爾丹殺賊有功授把總累擢至直隸真定鎮總兵官雍正七年大兵征策旺授爲車陣漢統管領直隸山東山西河南四省車騎兵會勦每戰輒身先士卒俘斬甚衆明年進至庫列兒地方賊麤至圍之數匝麟奮勇潰圍出以馳救諸將復陷陣身被數十創與副將軍查弼納前鋒將軍丁壽等俱力戰而歿次子承燾從亦死事聞賜祭葬贈都督同知祀昭忠祠蔭一子

馮廷輔大同人由行伍累官廣西潯州協副將康熙壬寅苗人覃普滋擾南峙地灘五旋等處相繼煽動假廷輔

總兵銜率師討之賊據山阻水自固廷輔乘夜潛兵遶山背縛筏而渡旣薄巢鎗弩齊發火光燭天賊衆驚潰以爲神赴江墜崖死者不可勝計生擒渠首覃普及其黨二百餘人捷聞

賜資甚厚特授浙江黃巖鎮總兵官擢其子千總得勝爲侍衛

史成大同人康熙丙子以把總隨征噶爾丹戰召磨多有功累遷湖廣永定營遊擊境多灘河白馬牛鼻大星小星犀角烏殼陰溪鬼棒八灘尤險惡舟至輒壞爲捐俸

報石鑿凌頂水性而治之行旅利賴癸未奉提督檄

進剿紅苗卒僅百人至小天星寨與賊遇力戰破之斬首四百九十餘級復追敗之排陸梁賊氣沮將遁入老枉山成率輕兵趨山後堵絕隘口返擊之斬獲無算賊平以功陞叅將歷辰州協副將尋擢浙江黃巖鎮總兵官先是劇賊陳君元等海洋剽竊爲商民患成嚴督官兵指授機宜皆以次擒滅在鎮三載卒於官

特賜祭葬成起卒伍至大將歷官二十餘年屢樹勲績家無餘資子載賢湖廣提督從孫宏蘊廣西提督俱克世其家論者比之前代麻氏云

武寧周字救圖靈邱人其先自汾陽徙於邑之腰站村康

熙三十三年由例監投山東東昌府經歷有能聲卓薦
陞廣東徐聞知縣甫下車縣境英利村不戒於火延燒
廬舍三百餘家急親詣撫慰捐貲助修葺民免露處歲
稔復捐穀賑粥所全活者甚衆在徐十四年告歸卒

劉章字煥然大同人年二十餘從行陣以功授千總累陞
助馬路叅將領大同鎮標官兵戍甘州尋調赴西寧又
調涼州士卒多里人子將出師申令於衆有干紀律者
卽觀故弗宥軍行肅然雍正丁未由南雄協副將擢授
廣東高雷廉鎮總兵官會安南國違例闖入滇南廷議

致討制府知其能檄令率兵二千往相機勦撫竟言小

國雖不循舊例抗跡未彰宜先諭以定制如不悛改進
兵未晚制府然之果遣使齎表謝罪守約如初明年調
江西南贛鎮南康贛民以私忿聚千人挺刃相向勢洶
洶章單騎馳諭立時解散後移鎮太原累疏乞休歸卒
年七十初高州火延燒數百家贛屬南安縣水暴漲壞
民廬舍並捐俸周卹令無失所故兩鎮尸祝之

霍昇字正清應州人家世力農有隱德昇生負勇畧能左
右射弱冠釋耒從戎進勦召磨多力戰有功大同總鎮
召與語甚奇之曰大將材也康熙四十二年大同總鎮
以湖廣提督征紅苗奏昇隸帳下爲親兵鎮守之捷生

擒賊十三人積功授千總累擢至雲南永順鎮總兵官
調廣西左江鎮雍正十年署貴州提督時九股苗聚眾
阻建城汎絕糧道官軍屢劬昇統兵由下秉直抵台拱
晝夜督攻連破土城七十寨四十六分兵三路勦捕賊
黨悉定陞廣西提督明年逆苗餘孽復蠢動率師討平
之乾隆三年以疾卒于官年六十有六

郭安字清平大同人由行伍拔補把總雍正元年從征西
路至三單衛駐防凱旋以功累陞陽和守備尋超擢襄
陽城守營遊擊路當孔道安設法詳請均兵丁勞逸歲
省兵役十之四焉漁戶歲納魚六百觔却不受永免陋

例後調任襄鎮右營卒於穀城軍民思之立碑平生重
然諾好施予同官陳某暴歿逋欠纍纍力爲經紀歸其
喪人亦以此多之子士衡乾隆辛卯 恩科成進士

武梓字東山靈邱人雍正五年由廩貢任甘肅漳縣知縣
涖任首革陋規數百金鑿渠引泉灌田歲倍收漳人享
其利爲建生祠會西陲軍行奉檄辦理驛站以廉能調
繁寧夏剔弊政除奸豪尋委勘災花馬池署水利廳篆
所至頌聲作久之陞秦州知州未赴丁母憂歸

韓國瓚廣靈人舉雍正癸卯鄉試知靜海縣有惠政再歷
獲鹿固安二縣以賢能膺卓薦擢霸州知州旣歸杜門

讀書自娛

馬光祖字繩武大同人狀貌魁梧多膂力精騎射從征陝西有功雍正間以千總署陽高城守練士卒清軍儲弭盜息民營務整飭內擢京營守備歷巡捕北營遊擊中營叅將皆以廉勤稱乾隆三年推陞江南寧國營叅將履任未幾卒於官囊無餘資家人鬻產始克歸其喪

王泰運字興若大同人弱冠充騎兵隸大同鎮麾下總鎮甚器識之征滇南蠻用爲前隊擒二賊首補軍營千總戰輒先登議敘一等功超擢直隸張家口遊擊復從撫遠將軍西路出兵屢建奇績陞河間協副將時多竊盜

秦運嚴督官兵分路偵緝立擒渠魁十餘人置之法餘黨盡散民獲寧止乾隆七年移疾歸卒於家

任舉字漢冲大同人赭面長髯素具忠義志才勇過人雍正二年成武進士授陝西栢林守備從征巴里坤有功遷寧夏都司用薦陞固原遊擊乾隆十一年固原提督失馭悍卒數千推全文耀爲首滋擾聞變仗劍趨出登鼓樓曉諭禍福賊沮喪引去俄復分三面攻城舉馳赴東門賊攀垣上立斬其首擲城下復急毀女牆擊之賊驚潰所部僅五十人戰具不充而南門已陷賊衆塞巷舉趨往揮刀斬數十人賊懼奔出城尾追勦捕餘黨悉

散以捍禦功擢中營叅將會金川逆命特授西鳳協副將晉署重慶鎮總兵督兵進勦山谿險阻舍馬徒步冒雨拔山而進首襲背嶺扼其吭遂取噶達達喇木岡等十餘處卡崙並破木石城及禰樓二百餘座駐軍色兒力山梁已深入賊避其鋒退守石城不出城堅厚矢石如雨不能克令伐樹人製一木枋以蔽鎗石榨立木城深溝塹築礮臺因風發礮石城鱗碎按步步圍城法攻之賊勢窮蹙遂持火具薄城城上鎗礮齊發傷左足賊悉出圍戰益力欲乘勢先登伏賊起濠中斫傷右手刃

墜也城復齏至奪鎗連刺數十人俄中鳥鎗洞胸撲地

喫血大呼報國而絕時年四十六事聞

上甚憫悼卹典如提督例謚勇烈入祀昭忠祠蔭其二子官
畢映大同人宋平章事士安裔孫精騎射負勇畧成雍正
癸卯武進士授花翎侍衛出爲陝西遊擊駐劄西路軍
營進勦有功陞叅將尋屯田蔡巴什湖著有成效乾隆
元年陞慶遠協副將所轄宜山縣白土邱索蠻蠢動映
率所部馳往擒其渠藍明友覃奉恩等擢廣西右江總
兵官歷四川建昌廣東右翼二鎮撫輯軍民甚著威惠
以年老屢疏乞休不允內陞鑾儀衛鑾儀使卒於官

姜居廣字有容大同人父昌宗官新平守備居廣生而穎

異好學工書旣而投筆習武乾隆二年成武進士授陝甘督標守備歷橫城都司寧夏遊擊會西陲用兵奉檄領解軍營駝馬往來哈密闢展地方備著勞績復赴新疆英阿薩爾駐防嚴營伍清糧餉綏輯協宜以卓薦擢紫荊關叅將在任四載卒於官

任承緒字叔武重慶總兵諡勇烈次子也幼有卓識喜讀書善騎射年十二補博士弟子員乾隆二十六年以父勲授巡捕京南營千總陞北營西營守備懲豪猾緝鼠竊屏絕苞苴政績稱最琉璃廠有殺人疑獄密訪兇徒江二者夜率邏卒入其室縛之掘地得屍遂吐實讞成

上喜其能超授南營遊擊明年正月猪市口列肆火馳往手
鈎索親率弁兵撲救深入火叢旣出旋復入風迴火熾
牆崩壓傷重輿歸月餘卒時年二十九承緒沉重寡言
蓄智畧忼慨有父風以急公隕身未竟其志時人咸悼
惜焉

王萬邦字協和陽高人生而軀幹雄偉讀書通大義畧
過人成乾隆辛未武進士授花翎侍衛越四年出爲陝
西涼州營遊擊時西陲用兵萬邦率偏師從定邊將軍
攻庫車克其南門俘馘甚衆已從扞木洛克沙雅爾二
路勦賊有功累遷保定城守營叅將張家口副將嚴部

伍均戍役人服其威信尋擢貴州威寧鎮總兵官辛卯冬命往會勦金川凡十餘戰皆身先行陣冒矢石撤其礮卡無算功居多癸巳秋疾作猶力疾督戰負重傷輿歸營而卒時年五十

賜祭葬入祀昭忠祠蔭其子京營千總

姜必昌字際雲大同人工書善騎射以材武起行間補千總督建綏遠城累遷貴州安籠鎮標守備都勻都司獨山營遊擊安順提標中軍叅將所至草除陋規體恤士卒皆有清惠聲尋陞黔西協副將值滇南用兵籌辦事

宜備著勞績歷二載引疾歸杜門手一編自娛以終

孝義附

北魏

長孫慮代人母飲酒父真呵叱之誤以杖擊致死真處重
坐慮列辭尚書云父母忿爭本無餘惡直以謬誤一朝
橫禍今母喪未殯父命旦夕慮兄弟五人並各稚幼慮
身居長今年十五有一女弟始向四歲更相鞠養不能
保全父若就刑交墜溝壑乞以身代父命使嬰弱衆孤
得蒙存立尚書奏曰慮於父爲孝子於弟爲仁兄尋究
情狀殊可矜感孝文帝特恕其父死從遠流

董洛生代人居父喪過禮詔遣秘書中散澀紹伯奉璽書

慰之令自抑割以全孝道又詔其宗親使相喻獎勿令有滅性之譏

陸定國代人司徒公麗長子麗二妻長杜氏生定國次張氏生獻定國襁褓養官內與顯祖同遊處六歲爲中庶子及顯祖踐阼特賜封東郡王求以父爵讓弟獻許之後仕至秦益二州刺史

封萬護代人天水公勅文長子讓爵於弟翰於時讓者惟萬護及元氏侯趙辟惡子元伯讓其弟次與朝廷義而許之

王德代人父喪家貧賣男公奴並一女以營葬事後歷位
車騎大將軍從周文累有戰功歷河涇二州刺史爵河
間郡公

元

賈進大同人大德九年地震民居多傷且乏食進給酒藥
炭米濟之每歲冬制木棉裘數百襲衣寒者買地爲義
阡使無墓者葬之有司以聞旌其閭

高著居喪廬墓王瑞之累世同居皆大同人元時表其門
閭

袁表廣靈人性孝祖衰老父吉家貧真能養把載乃翁送

山中歸投柩於薪表取而懸之吉諱曰兒誤矣懸此何
施表泣對曰預爲阿翁具吉聞之俛首表知父悔悟乃
引柩循故徑入山載翁以還今城南二十五里有舊老
山卽其處也

明

焦鑑大同府諸生侍父不離左右家貧必勉致甘旨以奉
哀毀柴立匍匐墓側悲號不少輟所親以減性非孝勸
之鑑曰父亡何歸卽從父於九原固無憾廬墓三年足
不入城市成化六年奉詔旌楊茂楊瑞俱大同入成化

間並以孝旌

王經應州廩生事繼母汪以孝聞母卒廬墓成化年間旌

表

按明史孝義傳作安東中屯衛人

王誠渾源人官慶都縣丞父卒廬墓烏兔馴聚成化間旌

表

按省志作任邱縣丞今依明史更正

張瑞大同縣學生母卒廬墓父振止之父卒遂廬墓側會

烽烟有警堅守不去事聞旌表父由舉人官邳州牧瑞

以貢令環縣皆有惠政

石鼎渾源諸生父彥芳歿哀毀廬墓墓初成天大雨山水

暴漲仰天號哭水將及墓忽分兩道去墓獲全宏治五

年旌表

盧鉞大同人三歲失母父達不再娶以托寡嫂楊氏遂雲
遊八歲忽痛哭曰母則亡矣寧無父乎楊告之故正德
間鉞由監生授河南左長史棄官尋父誓不得父不歸
數載至平涼泣禱於神依夢往翠屏山遇老人楊譽如
夢所見則其父奕友也父歿已久鉞易棺函骨見有棋
子爲殉宛然不朽會兵圍平涼鉞獨守柩不離衆曰此
中有孝子害之不祥遂解圍去事聞賜達爲義夫贈承
德郎鉞爲孝子封亞中大夫旌其閭

劉伏玘大同人倜儻負氣節有伏玘素識者王三鼓衆爲

變太原平定諸郡邑重罹荼毒甲辰入紫荆關直抵完

縣世宗震怒械繫中丞朱方總制翟鵬罷大司馬毛伯
溫杖死職方郎中韓君勗皆以王三故也並懸賞格募
能生擒王三者予千金陞官五級世世繼襲伏玘憤曰
吾家世食祿無寸報王三匹夫敢作孽如此戮妖醜報
天子非玘不可請以死從事乃留三子以養父母而自
攜妻女就道賣酒關口陰圖其事期年王三跨馬挾矢
從四健兒按轡關下問戍卒曰誰在此以伏玘對王三
大喜促會玘亦具壺觴出迎馬前王曰弟何爲在此玘
曰貧不自給聊假釀酒得升斗爲活計不圖今日見兄
也因泣下王曰弟無慮我且富貴忍使在此落拓乎伏

玘歛涕酌酒爲壽三飲數盞卽覺微醺顧謂伏玘吾欲至爾家少坐佯辭不得至則拜見伏玘妻女如家人歡

呼曰二嫂取好酒來吾與弟飲當以盡醉爲期且命健

兒取金遺之伏玘妻酌獻巨觥出禮健兒薄暮皆醉倒

偃臥伏玘與同行三卒將椎劈其兩臂並四健兒縛送

總戎覆核無僞檻詣京師上大悅置之法傳首九邊授

伏玘正千戶世襲金千兩三卒各白金官百戶

見省志按宣化

府志人物傳作西寧縣水地堡人姑存以俟考

武世舉大同人舉萬歷己卯鄉試授信陽知縣陞運同居

父喪哀毀五日不食繼以樞血事祖母與母備極孝養

所得廉俸盡爲一門婚喪資歸之日甘心食貧杜門二十六年載卒年八十

田盛應州諸生家有傭能賃酒舍客時有平陽糧長十數人者舍其傭其牀頭有糠困焉一糧長醉枕所囊三百金臥牀上金漸墮困中旦起十數人者行亡金者亦行計惟同行者攜之矣及輸官始知金亡亡金者欲死十數人者慰之共貸金輸官復歸舍其傭見向所臥處太息言亡金事乃盛則先從困中見金知糧長所亡也追之度其去已遠且封識待還至是盡予之亡金者欲以半謝盛笑曰一半何如三百多也固却不受

王憲武山陰諸生志操方嚴不喜聞人過遇利濟事輒慷慨赴之嘗返外家裝貲卻從兄絕產全難婦贖人妻子義行指不勝屈甲子以貢待次聞子家屏秋捷遂歸行誼益高累贈東閣大學士

沈文義大同人嘗以父病走恒嶽祈代果獲疾痊生平讀書好義置莊田五十畝助族人貧不任婚喪者商文恪輅嘉其行誼爲立傳

李雲鳳靈邱人嘉靖間兵防乏餉鳳以布衣持數百金走大同犒軍事聞旌表

李滿大同人孝悌力田與人無忤見人有急輒罄所有濟

之歲大饑出穀爲賑夜夢神人語之曰帝鑒爾德後且
貴一子承弼承式果相繼取科第

武進儒廣靈人萬歷間大饑進儒出粟千斛以賑有司旌
其門

陸應祥大同人兄弟俱早歿祥以一身捫擋家務男婦百
口衣食必均人各授以事不令曠廢所得升斗尺寸毫
不入私橐歷四十餘年六世同居人無閒言時方之張
公藝云

趙榮貴麻登雲俱大同人榮貴事嫠母張跬步不離母疾
刲股進之終不起哀毀廬墓成疾而卒登雲父剛患寒

疾醫曰糞甜則愈嘗之苦哭赴城隍祠祈以身代父思肉食割股以進疾遂愈應州人唐鑑官都指揮亦割股療母疾

梁祥山陰人修葺孔廟及城隍諸祠胥捐已資人服其義子睿亦以清白稱

高邦暨大同人代府儀賓隱居自適多義行所居毗連縣學有司謀拓學舍撤其宅益之竟不受價

孫震渾源人性至孝父病籲天請代父愈已而母病割股進母母亦愈父母俱享耄年至其孫逢吉成名官布政

張錦山陰人年二十八喪耦子甚幼日煦煦相依以迄成立終不再娶嘉靖間有司旌其門 同人陸輔剛直好義年三十妻死不再娶獨居四十餘年而卒

成以簡字可臨其先文水人徙居山陰至中丞祥符祥符子三長以蒙孝廉次以愚諸生季卽以簡也幼喪母撫於繼母周年十六食餼父卒以蒙繼亡以簡事繼母如母嫂盡誠敬撫兄遺孤成人好客喜施予急人患難里中豪猾侮善良力爭之雖挫折不回邑人王濬初爲作傳

朱充燿廷姪鼎爨俱代府宗人也充燿字淑川七歲父俊棟卒哀毀如成人事母克孝母歿廬墓三載御史訖聞

賜旌表廷姪亦早孤事母備極孝養言及父輒嗚咽終日萬歷間旌鼎爇奉國將軍父病嘗糞祈身代比卒竭
力治喪葬時雪甚仰天哀禱忽得晴霽事母以孝聞詔
賜四品服金千兩

王琳字獻雍大同貢生有學行事繼母撫幼弟以孝友稱
賑饑掩骼人多其高義

賀魁大同縣廩生天性孝友家極貧教授生徒供甘旨有
餘以周族人婚喪之事多所藉賴焉

武彥爵大同冠帶總旗母疾呼天求代尋疾愈比卒哀毀

宣德三年馬壁山陰人父卒盡事繼母以孝聞

王志仁懷仁人有孝行父母不睦竭力調持母疾
藥比卒哀戚二年父性甚嚴而特憐其孝云

李夔懷仁人家貧親老以貢任潼關訓導旋乞歸
雲親歿

盧墓側避盜匪入城曰某不敢以父母遺軀塗
毒手

也既謚復盧墓終喪子某官叅議

董莒廣靈諸生父宗顯令冠縣父卒哀毀骨立推
刃與弟

事繼母如所生以孝友著由貢生官壽州判

趙昌齡廣靈人母卒盧墓三年後由貢生歷知封
邱柘城

二縣有廉能聲

杜廷相大同人涉書史通曉世務嘗言臨民之事
亦涼德

可勝吾姑爲其藏者遂絕意仕進隱於農嘗拒 神婦遺
金人以此重之鄉人有不平輒就質無不愧服而去

左孔式應州人慷慨好施予鄰有鬻宅於式者後各口外歸
無所依式憫其貧寒仍以原宅居之焚其券人右急難
輒傾橐以濟晚年家漸落而好義不倦予光圖與於鄉
胡登應州貢生官鎮江經歷父世嚴居塞外登出塞奉父
以歸崇正間與劉大順董則成捐金給夫守城人多其
義年八十卒

劉大順應州庠生慷慨好義崇正 間猝有烽警時出守方

署西路蒙人心胸胸大順倡義與同邑胡登董則成捐

金散粟募丁壯守城卒恃以無恐則成萬歷間貢官宜
君縣丞

紀熊陽和衛人事母李出告反面兩兄早歿能曲慰母意
及卒哀毀骨立三年無喜容妻薛氏亦有孝行熊後官
雲石堡操守

郭璘大同人性孝闖賊勒餉代父受刑父名大貴官鄆縣
丞多義行鄉里稱爲善人父歿璘廬墓三年

國朝

王逢泰大同縣拔貢生世讀書以淳義聞幼時父之雲攜
其兄出遊獨與母楊居妻瓌之變母死於井逢泰泣血

大同府志 卷之三十三 三
殞母訖徒步數千里訪父兄倏遇父金陵父言汝兒奄
迹逢泰聲淚俱咽尋奉父歸里父年八十餘以壽卒逢
泰詣墓下輒攀栢哀號不能止沒齒不衰前太守葉著
孝子傳以風焉

仝觀吉廣靈人性慷慨武健絕倫順治五年姜瓖據大同
廣邑土豪李青倡孽聚眾攻城倉猝無外援城幾陷時
大兵駐雲中觀吉夜縋西城下持短兵走山谷直抵幕
府以急告遂發騎兵馳往觀吉爲鄉導一晝夜駐城西
嶺往返未三日行五百里勇氣百倍抵城下大呼曰天

兵至矣縣令率民兵開門奮擊與賊合賊黨悉竄擒

青等斬之城賴以完

楊臣大同許堡村人慷慨好義多膂力順治戊子姜逆黨恣行擾掠官憤甚潛結里中少年奮白梃乘懈擊殺賊數人乃散走村民獲安嘗捐金修建神泉河橋城隍文昌祠周卹貧困助人婚喪不可枚舉耆老至今稱述之孫培初以吏除江西龍泉縣北鄉司巡檢有能聲

姚洪烈山陰貢生倜儻慕義時值兵餘祠廟多圯敗洪烈倡義募修獨出已資數百金葺文昌祠里人重之後官山東登州府同知有善政

仝勲字良棟大同人父應實遠去鄉里勲方髫髻稍長卽

辭母求父匍匐數千里徧歷三吳兩粵間知父已歿號泣負骸骨歸母郝苦節終身勲竭力奉養宗黨稱孝焉武嵩齡大同人幼孤隨兄奉母遷畿南年十五母卒扶櫬歸葬遍覓父塋號泣數日乃得遂以合葬修學宮周貧乏又多義行焉後官天津守備

韓大德廣靈人孝子一歐族子也一歐無子以大德爲後應分貲產值數百金族人議授之大德曰爲孝子後必分田產是義以利掩矣不受遂窮約終身

于懷漢懷仁人事母以孝得旌又多義行撫孤姪設義學

續人口周貧乏樂善不倦康熙田辰歲饑蠲賑千石全

活無算子應心好義有父風

靳皇柱大同人父希林多行善事皇柱承父志好義益力
康熙三十八年大疫煤窰備率六七人聚一土室病者
恐轉相染輒掖出之多野死皇柱別構窰房數間以棲
病者而雇人煮糜粥飼之多所全活又置地二十畝爲
義塚後長子之璠膺選貢次子之璵中康熙癸巳武舉
以爲行義之報云

鄧有聲字子駿靈邱諸生事母以孝聞順治間經姜逆之
變繼以歲歉族人某售荒地償賦無應者書左券竟付
有聲挈妻孥避去有聲代納五年逋會蠲糧豁徭地值

大同府志 卷之三十三
增培乃召某歸焚券還之人服其義

劉國盛渾源州諸生性好善順治閒有榆鎮宋文興者給
事副將鮑虎幕下爲同伴擠陷坐贓三百金誣服下獄
越三載無抵國盛密察其寃代償五十金事得釋偕妻
子生還

樊榮大同人候推守禦所千總天性孝友父棄孀妾於外
旣而生男父歿收養之至於成立他若施藥施榘修橋
梁焚契券好善不倦甚爲鄉里所稱兄泰亦慷慨尙義
城西小站口至雲岡二十里山路嶮巖南則河壩泥淖

行旅病涉泰倡義捐資修石棧工未半而歿榮竭力踵

成之至今利賴

魏正心懷仁人性仁厚孝友善事嫠嫂撫幼姪有恩康熙
間由歲貢知沭陽縣號爲循吏及解組歸足不履公庭
歲歉分食米煮粥活人捐貲掩骼幣代完族人徭賦義
不勝紀年至九十卒

陳嘉猷澤源貢生性嗜義不苟取一日道中拾遺金二百
八十兩坐以俟之旋見有緣道來者鬱鬱不自得嘉猷
不言堅坐少頃其人歎息泣下因亟問君何苦其人爲
言失金狀數適符則亟慰之曰無憂金故在君速持歸
遽付之其人感謝固請姓名嘉猷一笑而去

大同府志 卷之三
吳之琳陽高諸生以孝友旌兄子振宗早夭母老子幼琳
爲經紀其家二十年無間言有徐某者寄金百兩其家
人不知也徐死召其子還之又嘗拾還遺金人稱其義
廣靈人藺朝海大同人王訓皆有拾還遺金事

張光璧字次侯大同諸生生十二日而母韓卒繼母鄧不
答於其父光璧方九歲在外塾心動起歸則鄧將投繯
矣急抱持一慟幾絕鄧感其誠爲不死後鄧以疾卒父
又娶宗氏宗卒娶致氏光璧事之益謹致有一弟一兄
女俱幼無所倚光璧體母意勸父收養之致善病光璧

泣曰父老矣飲食寒煖賴吾母卽不起如吾父何禱於

神祈以身代竟得瘳已而光璧以積勞成痼疾將革猶呼其子惓惓以父母後事爲囑乾隆五年旌表孝行

王印字君璽大同人少孤貧孝以奉母母痼疾頻年呻吟之聲常達旦印籲天求代聞文水縣善醫者匍匐千里往爲之請厥疾乃瘳城東李王澗村民某鬻妻償逋慨然解金贖還敦行樂義類如此子廷彥忼慨有父風

薛宗堯大同縣善力村人家世農業年十二見其父力苦輒請代父不許後復固請父曰兒幼第工半他傭足矣乃喜終日操作不少輟工顧倍焉旣長力任耕作不令老父親胼胝事儉歲甘旨無缺父邁疾左右侍奉目不

大同府志 卷之三
交睫者累月比歿號慟絕而復蘇猶力疾營殯葬甫畢
嘔血而卒

陳竹渾源人少孤貧有弟散失走萬餘里尋覓閱數載卒
遇以歸經營辛苦家稍羸好善不倦巡檢葉某罷去妻
棺寄僧舍不蔽風雨竹爲擇地厝葬後二十年葉二子
來歸母喪竹更厚助之乾隆十四年學使者德給匾旌
其間

楊光烈大同人以耕讀養親喜緩急人不避勞怨會歲饑
乏食里民范某閻某將鬻妻爲苟活計光烈勸阻之量

給錢米范感悔而閻不從乃詣縣白其事予閻杖并罪

買者自是鴛妻之風息縣令嘉其公義給額旌獎

戴爾誠大同人父之明白徐溝來徙母喪廬墓喜施予以
孝義稱爾誠孝性天至侍父疾歷年無倦色及歿扶服
頓踊晝夜號哭幾滅性母泣諭之乃止母歿哀毀如父
喪里人趙某傭於外妻死子幼貧無以斂予之棺婢紅
兒者及笄而姝擇佳耦資而嫁之築孤店村河堤立畱
養局皆捐貲爲鄉里倡能以義行世其家云

王廷弼字鼎臣大同縣貢生性孝侍母疾五載罔懈宗黨
稱之尤好施急人患難有貲財不償者輒還其券乾隆
庚辰歲歉捐資助賑居鄉醇謹謙退以書翰自娛晚年

大同府志 卷之三
舉鄉飲賓五世同堂人謂厚德之報

程應愛天鎮姜后屯人五世同居治家有法度知縣張坊
改其所居爲義門村同縣宋朝恩六世同居陽高人曹
更新七世同居俱有江州陳氏遺風

孫光正大同人年二十父母並歿讓田產於兄而自傭販
繒家旣而往來瀋陽經營貿易者十餘年積貲漸饒而
販繒家中落虧董姓母金盈十光正慨然償之人服其
義

趙敏大同人孝友性成與弟達昇親愛無間兩弟俱早世

撫育孤寡恩義備至每製一衣嘗一齋必先兩姪而及

其子至課令誦書習騎射稍怠必督過之不少假顏色也後姪登元登高並由武進士起家子登峻亦舉於鄉鄧淵大同縣庠生事父母以孝聞家素封而行義不怠族黨貧乏者多賴焉乾隆庚午歲饑居民乏食淵出粟千石輸之官按口借給全活甚衆凡有緩急無弗予晚年積券盈篋度不能償者悉召至前對焚之曰毋貽他日爭端也有司高其義給匾獎勵

鄧養吾山陰安銀子村人縣境桑乾河自河陽堡南經流村外夏雨水暴漲勢甚洶涌養吾出貲數百金建橋其上長六十餘丈行者賴之

燕奇大同人居積頗饒裕而樂善好施修十里河橋築煙
嶺村壩鄉民李某已聘而貧不能娶奇贈金俾得婚配
焉王某父故露尸無以葬奇買棺殯殮之前令胡方騰
爲作燕義士傳子世德貢生承父志築黃崖堤壩水不
爲患貧人閻某將鬻子求食世德量力賙給之父子賴
以完聚雍正十年前令陳世寶舉充鄉飲賓

李遇春字長青大同縣人性慷慨多膂力急人患難雍正
間偕數十人行有寶元號者亦行至一谷口與羣竊遇
遇春等毅而待賊捨之去衆皆喜遇春曰賊以我衆不
敢逼寶源在後人寡必不免且與人同行而不同患非

夫也躍馬追三四里及之發矢斃一賊餘皆遁去義聲聞於遠近

全有恒字樂田大同人孝子全勲之子也家貧服賈養親往來燕趙間積十年漸致饒裕性慷慨喜賙卹同里某挈妻孥入都無所遇落魄瀕死一女鬻豪家矣亟解囊代償觸豪怒幾爲文著辱賴太原楊御史雅重有恒力左右之卒贖以還鄉人客京師者病施藥歿致賻解衣推食指不勝屈其篤於桑梓誼如此子瑞邑博士弟子以孝聞而好義尤篤縣學宮牆久不修治至乾隆庚寅辛卯間傾圮殊甚會當事者議修葺瑞率勸紳士捐貲

佐理不避勞怨廟貌煥然一新

郝敏學字時甫懷仁人早孤母王氏苦節教養因感泣發憤讀書弱冠有聲膠庠間後久躋場屋而文行益醇乾隆丙子以歲貢任翼城訓導秉鐸六載士多所成就初有弟在襁褓撫養成立家產悉推讓之人高其義

周光宗山陰歲貢居鄉調卹鄰里信義可風任朔平府訓導以誘掖後進爲心捐貲建義學從遊嘗數十人多所造就年七十餘告歸卒子尚赤歲貢有孝行

郭昌字盛之大同監生性孝友喜施予年二十喪母事繼

母上養死葬盡禮盡哀多有不知其爲繼母者撫堂弟

遺腹子俾成立爲娶婦置產不啻已出康熙辛卯歲歉
鄉里數十家窮乏不能自存昌捐積粟量口賙給清源
耿某貿易虧貲窮困欲死昌憐之義贈百金不責其償
也後耿營運獲大利每對人頌昌之厚德云

苑扶龍大同縣人年十五父歿祖父母老母孀居家貧乏
子身任勤苦奉養兩世已食嘗不飽而甘膾無缺祖父
母相繼歿柴毀骨立以母命節哀有八子漸長家愈貧
孝養愈篤母歿日夜哀號竟成痼疾偃臥數載而卒

張瑛大同性仁慈輕財尙義少以目疾廢書遇貧士膏
火不給樂飲助焉嘗買一婢甫八齡憐而女畜之越六

載其父持銀來詰銀所自則轉賣作妾叱之去亟爲擇
偶晚歲家漸落有旁屋數間屠羊有貨爲肆可獲三十
緡瑛曰若歲剝羊以千計皆生入吾門而死出之吾不
忍見也謝却之屠者爲之改業

鄧開先字道原靈邱庠生性孝友尙義嘗拾遺遺金父卒
二弟俱在髫髻教養成立事母先意承志居母喪柴毀
幾滅性舅氏家甚貧歲歉迎歸并養育表弟妹數年爲
婚嫁縣令徐重其爲人給匾旌異之年七十卒

曹德陽高人前明總兵安裔孫髫髻年失恃父三娶事繼母

以孝聞長而力農以節儉自持稍贏則振其鄉黨親串

絕無德色貧狹賴以濟者甚衆臨沒出借券數十紙焚
之人益高其義

王保彝山陰諸生性至孝家貧供母必備甘旨母病籲天
求代及卒廬墓終其喪

崔德字慧菴山陰監生居大同賣藥濟人事繼母以孝聞
母病日夜侍左右奉湯藥親易燥濕逾年無倦嘗因乏
嗣買一妾嫠婦也將行姑媳相持慟乃自鬻爲養姑計
非願嫁者亟止勿行棄所買金且倍遺之曰不如是恐
婦姑終不得相保也前太守史聞其事給匾旌獎乾隆
癸巳舉鄉飲賓卒年七十有一

田佳富懷仁人父發家甚貧入市逐微末自給富兒時見老父冒雪任勞苦輒涕泣請代父母相繼臥疾左右侍養衣不解帶者五六年旣沒飲食必薦久之猶泫泫然淚下女兒適楊而寡貧不能自存急迎歸撫兩甥成立從兄佳年歿經紀其家與弟佳貴尤友愛無間乾隆三十九年以孝旌

蕭威大同人天性孝友年十三母氏見背事繼母劉先意承志劉氏嘗語人曰兒孝如此奚必出腹子哉服賈養父母不有私財撫小弱弟成立同居共爨終其身乾隆

孫正忠大同人幼貧以傭賃奉母克盡孝養性勤儉尙義積貲稍裕輒喜緩急人有盧姓者賈七年不歸母老貧不能活受錢二十緡將醮其媳正忠如數遺之令勿嫁未幾而盧還雍正間歲饑日施米五升以盡爲度後雖有年亦如之四十餘年無間年逾九十而好義彌篤云

劉吉忠懷仁武生母歿勺水不入口父諭之食乃稍進饘粥父遘疾醫藥罔效祈天願以身代果獲瘳嗣是跬步不離父年七十三以壽終吉忠已五十餘孺慕如嬰兒旣葬廬於墓側哀感道路年逾八十而孝思弗衰

萬思榮大同人天性友愛同胞六人思榮最幼事諸兄無

聞言叔兄早世遺女方襁褓撫如已出歲饑破產鬻濟多所全活年逾八十而好義彌篤同縣石國璉亦以義行聞於鄉

陳二嘗爲大同得勝路兵丁日不知書性甚孝父下急小過輒鞭扑必長跪受責每入值官府或齎文書他往必告父母依依不忍舍長官聞而重之不令遠役也父患噎藥餌不能下旦起焚香籲天引佩刀割股肉糜粥進之母病復刲臂以進皆獲痊迄今癍痕宛然見者歎其本於至誠故感應如此

段成寬陽高人少孤貧力耕養母撫幼弟有恩中歲以勤

儉起家布衣蔬食不妄費一縑人有緩急必應乾隆己卯庚辰間饑歲鄰里乏食成寬出舊粟數百石計口分贍賴以全活者八十餘家有司聞而義之舉鄉飲賓子治國武生亦有義行

張仰賢大同人嘗居懷仁之碾窰村以陶埴爲業四老山地磽确又早霜秋賦無抵偏災例不得援免村民苦之仰賢出已貲詣縣盡數代納以義稱方九歲時祖父父母相繼歿與弟妹依祖母姚伶仃孤苦越數年姚歿喪葬盡禮弟妹俱婚嫁家計漸饒而助人之婚喪食人之孤寡大懷兩邑爭述之

李殿廣靈縣梁家莊人平生與人無競遇殘廢癰病量力救濟嘗於村東鑿一土窰冬置火夏置水以濟行人皆親執勞役歷年無倦一鄉稱爲善人

康萬倉大同人敦睦孝友父性嚴急萬倉已抱孫怒輒撻之流血猶作嬰兒啼孺慕弗衰族弟萬訓伯仲幼孤值歲饑推食撫養之桑梓戚好間慷慨施予至今稱者嘖嘖

景守德陽高人性孝家赤貧歲歉茹菜食糠覈而父母饌必精潔承歡養志有古人風終身不涉訟庭不與人爭

或言人之則敬謝曰恐辱親焉有司給匾獎勸予粟帛

宋琦大同人家貧與兄璟竭力奉母既而兄歿恐傷母氏
心孝養益至撫從孫德成人孝友傳於閭里母年九十
餘琦近七旬一堂五世有雍睦之風

藝術附

周

姑布子卿見趙簡子簡子徧召諸子相之子卿曰無爲將
軍者簡子曰趙氏其滅乎子卿曰吾嘗見一子於路殆
君之子也簡子召子毋卹毋卹至則子卿起曰此真將
軍矣簡子曰此其母婢也奚道貴哉子卿曰天所授雖
賤必貴自是之後簡子盡召諸子與語毋卹最賢簡子

乃告諸子曰吾藏寶符於常山上先得者賞諸子馳之
常山上求無所得毋卹還曰已得符矣簡子曰奏之毋
卹曰從常山上臨代代可取也簡子於是知毋卹果賢
乃廢子伯魯而立毋卹

漢

昌容常山道士自稱殷王子食蓬藜根往來山下見者三
百餘年顏色如二十許人

茅盈字叔申生於漢景帝中元五年年十八棄家入恒山
修道餌木後師王君因西至龜山歸至恒山北谷時年

四十九至宣帝初元四年上昇弟固表亦成仙稱三茅

真君

黃安代郡人貌常若童子服硃砂舉體皆赤冬不裘坐三尺神龜時人問坐此幾年矣曰昔伏羲始造網罟獲此龜以授吾吾坐龜背已平矣此龜畏日月之光三千歲乃一出頭我得龜以來已五出頭矣行則負龜而趨武帝聞其異每屈禮焉及封泰山詔董謁李充孟岐郭瓊黃安五人同輦謂之五仙臣後不知所之

北魏

高崇祖恒州人善天文每占吉凶有驗永安中特除中散大夫

江式字法安世傳蟲篆詁訓祖彊自涼州內徙代京上書三十餘法各有體例官中書博士式少專家學嘗夢兩人時相教授及寤每有記識拜符節令以書文昭太后尊號謚冊特除奉朝請式篆體尤工洛京宮殿諸門板題皆式書也依許氏說文爲本撰集字書號曰古今文字凡四十卷正光中累官驍騎將軍兼著作佐郎兄子征魯將軍順和亦工篆書

李脩字思祖本陽平館陶人晚入代京歷位中散令太和中常在禁內侍鍼藥治多有效集諸學士及工書者百

餘人在東宮撰諸藥方百餘卷皆行於世先是咸陽公

高允雖年且百歲而氣力尙康高祖文明太后時令診
觀之一日奏言允脉竭氣微大命無遠未幾果亡遷洛
後領太醫令

蔣少游本樂安博昌人配雲中爲兵性機巧頗能刻畫有
文思遂畱寄平城以傭書爲業被召爲中書寫書生用
高允薦補中書博士及詔尙書李冲等議定衣冠於禁
中少游巧思令主其事後於平城將營太廟太極殿遣
少游乘傳詣洛量準魏晉基趾高祖修舡乘除都水使
者遷前將軍兼將作大匠仍領水池湖泛戲舟楫之具
及華林殿修舊增新改作金墉門樓皆所措意尋兼太

大同府志 卷之三
常少卿都水如故嘗爲太極立模範與董介王遇等參建之未成而卒

法果趙郡人誠行精至開演法籍太祖聞其名詔以禮徵
赴代京後以爲道人統緝攝僧徒每與帝言多所愜允
供施甚厚至太宗彌加崇敬永興中前後授以輔國宜
城子忠信侯安成公之號皆固辭帝嘗親幸其居以門
小狹不容輿輦更廣大之年八十餘泰常中卒追贈老
壽將軍初法果每言太祖明叡好道卽是當今如來沙
門宜應盡禮遂常致拜謂人曰能鴻道者人主也我非

拜天子乃是禮佛耳法果四十始爲沙門有子曰猛詔

令襲果爵

惠始姓張家本清河聞羅什出新經遂詣長安坐禪於白渠北劉義真鎮長安及寮佐皆敬重焉赫連屈丐追敗義真惠始體被白刃而不傷屈丐以寶劍擊之又不能害乃懼而謝罪後至代京多所訓導時人莫測其迹世祖甚重之惠始自習禪至於沒世五十餘年未嘗寢臥或時跣行雖履泥塵初不污足色愈鮮白世號白脚師太延中臨終於八角寺齋潔端坐僧徒滿側凝泊而絕停屍十餘日容色不改遂瘞寺內至真君六年制城內不得畱瘞乃葬於南郊之外死十年矣開殯儼然送葬

大同府志 卷之三
者六千餘人中書監高允爲傳頌其德迹

曇曜有捺尙爲恭宗所禮先是太武滅佛法曜誓欲守死
恭宗親加勸諭至於再三不得已乃止密持法服器物
不離身高宗踐極復佛法曇曜自中山被命赴京值帝
出見於路御馬前銜曜衣時以爲馬識善人帝後奉以
師禮曇曜白帝於京城西武州塞鑿山石壁開窟五所
鑄建佛像各一高者七十尺次六十尺彫飾奇偉冠於
一世曇曜奏平齊戶及諸民有能歲輸穀六十斛入僧
曹者卽爲僧祇戶粟爲僧祇粟至於儉歲賑給饑民又

請民犯重罪及官犯以爲佛圖戶以供諸寺掃灑歲兼

營田輸粟高宗並許之和平初代師賢爲

天竺沙門常那邪舍等譯出新經十四部

寇謙之字輔真早好仙道服食餌藥有仙人成

謙之家謙之算七曜不了興曰試隨興諸布之俄然便
決謙之歎服請師事之興固辭不肯但求爲謙之弟子
共入華山繼入嵩高止石室中採藥而食閱七年興謫
滿去謙之守志益堅神瑞二年十月乙卯忽遇天神乘
雲駕龍集山頂稱太上老君授謙之天師位賜雲中音
誦新科之誠二十卷號曰並進盲音此經誠今運數應
出汝宣吾新科清整道教并授服氣導引口訣之法泰

常八年十月戊戌有李普文來臨嵩岳云老君之元孫
昔居代郡桑乾以漢武之世得道爲牧土宮主遺授謙
之錄圖真經令佐北方太平真君出天宮靜輪之法能
興造克就則超真仙矣始光初謙之奉書獻之世祖令
止於仙人博士張曜所供其食物時朝野聞之若存若
亡未全信也崔浩獨異其言師事之受其法術於是上
疏讚明其事世祖乃使謁者奉玉帛牲牢祭嵩岳迎致
其餘弟子在山中者於是崇奉天師顯揚新法宣布天
下道業大行及嵩高道士四十餘人至遂起天師道場

於京城之東南重壇五層遵其新經之制給道士百二

十人衣食齋肅祈請六時禮拜設廚會數千人世祖將
討赫連昌問幽徵於謙之對曰必克果定夏國真君三
年謙之奏造靜輪宮必令其高不聞雞犬聲欲上與天
神接功未成九年復遇設會曰謙之令更布二席於上
師坐前弟子問其故謙之曰仙官來是夜卒須臾口中
氣狀若煙雲上出窻中至天半乃消屍體引長量之八
尺三寸三日後稍縮至斂裁長六尺諸弟子以爲尸解
云

李皎中山人爲寇謙之弟子服氣絕粒數十年隱於恒山
年九十餘顏如少童一旦沐浴冠帶端坐卒

唐

張果不知其鄉里世系嘗居恒州山中開元中元宗令通
事舍人裴晤往迎見晤輒氣絕仆久乃蘇晤不敢逼馳
白狀帝更遣中書舍人徐嶠齎書邀禮乃至東都舍
集賢院肩輿入宮親問治道神仙事果善息氣能累日
不食數御美酒嘗云我生堯丙子歲位侍中時有邢和
璞者善知人天壽師夜光者善視鬼帝令和美在
然莫知其端帝召果密坐使夜光
謂高力士曰吾聞飲董無苦者

進頽然曰非佳酒也乃寢頃視

意擊墮之更出藥傳其斷良久齒已生粲然駢帝益神之欲以玉真公主降固不奉詔懇辭還山擢銀青光祿大夫號通元先生賜帛三百匹給扶持二人至恒山未幾卒或言尸解帝爲立棲霞觀祀之

管草趙人少好道不事耕鑿多遊趙魏間性不好謙恭而後辨慧遇張果先生先生招之曰來管草草曰爾誰耶曰我張果先生也草乃曰張果何呼我也果曰人間帝王且我敬爾豈不我敬也草曰我非帝王又焉能敬爾也果因命之同遊恒山草從之果擲所策杖變一青牛令草乘之入恒山登絕頂坐而問之曰人間之囂雜塵

中之苦惱春秋之榮謝老少之逼促爾盡察之也何久
遊趙魏不遠遊四極趙魏兵馬之郊也非道人所宜遊
草對曰爾何爲出於趙魏之間也唯道人不隨土地而
化我遊趙魏之間與遊玉清蓬瀛等若必以四極爲遊
以我匹夫爲賤呼我之姓名復期我之敬待猶俗情也
我無俗情又奚以遠遊爲果笑而不應草遽起不辭而
下因結茅於山中居之後不知所終人或見之於稽山
負局先生語似燕代間人嘗負磨鏡局狗吳市街磨鏡一
錢因磨之輒問主人得無有疾苦者出紫丸藥與之得

者莫不愈如此數十年後大疫活者萬計不取一錢吳

人乃知其真人也後至吳山絕崖頭有求藥者懸而與之將去語人曰吾還蓬萊山當爲汝曹下神水崖頭一
旦有水白色流從石間來服之多愈疾立祠十餘處

誠慧靈邱李氏子其親禱於臺山而娠長不願娶從五臺
真容院法順和尚披剃東臺東有龍池滋患誠慧攜淨
瓶錫杖廬其側呪之卽入瓶風雷皆寢居七日乃草心
焉白光洞室遂釋之乘風雲而去嘗誦華嚴於李牛谷
有五六儒服者來坐聽或持異花鮮果而獻怪問之答
曰某山神也願充執侍誠慧捨而他適同光元年莊宗
製書并紫衣賜之崇號廣法大師固辭不受再降敕諭

誠慧聞命卽囑累門人吉祥而逝壽八十諡曰法雨大
師塔號慈雲

遼

劉哲字元英號海蟾子一名操明經事燕王劉守光爲相

雅喜性命欽崇黃老一日有道人自稱正陽子來謁海

蟾待以賓禮道人爲演清靜無爲之宗金液還丹之要

竟索雞卵十枚金錢十文一文置几上累十卵於金錢

若浮圖狀海蟾驚曰危哉道人曰居榮祿履憂患其危

殆甚盡以其錢劈破擲之辭去海蟾大悟解印從道遁

迹終南山下丹成尸解有白氣自頂門出化鶴冲天新

興古志海壇廣陵人爲遠相後改名海今廣靈卽古廣陵縣也

金

圓滿西京大普恩寺僧天會中修建寺宇功行精勤江東

朱弁爲之記

元

孫威渾源人幼沉鷲有巧思元初雲中來附守帥表授義軍千戶從軍攻潞州及鳳翔皆有功善爲甲嘗以意製蹄筋翎根鎧以獻太祖親射之不能徹大悅賜名也可兀蘭佩以金符授順天安平河南平陽諸路工匠都總

管子 卷之三
管太祖嘗問諸將衣其甲者曰汝等知所愛重否諸將
對皆失旨太祖曰能捍蔽爾輩以與我國家立功者非
威之甲耶而爾輩言不及此何也復以錦衣賜威每從
戰伐民有被俘戮者輒以蒐簡工匠爲言而全活之卒
贈中奉大夫武備院使

孫拱威之子初拜監察御史襲甲匠都總管巧思如其父
嘗製甲二百八十襲以獻至元十一年別製疊盾其製
張爲盾斂則合而易持世祖以爲古所未有賜以幣帛
丞相伯顏南征以甲冑不足詔諸路集匠民分製拱董

順天河間甲匠先期畢工且象虎豹異獸之形各殊其

製皆稱旨十五年投保定路治中甚有惠蹟歷武備少
卿大都路軍器人匠總管陞工部侍郎大德九年爲益
都路總管兼府尹卒於官

孫公亮渾源人世業造甲元初授諸路工匠總管少有偉
畧練習國典承父蔭佩銀符上章講設御史臺以正紀

綱遂拜監察御史職滿憲長奏公亮供職無私可再任

累遷至行工部尙書致仕

按元史渾源人孫威威子拱
俱見工藝傳並不載孫公亮

而省志舊志州志俱載之其歷官御史工部大
畧與拱同疑公亮卽拱之字耳姑存以俟考

李溥光大同人幼出家爲僧號雪菴和尙喜讀書經傳子
史無所不窺善詩工書法適勁有致一時宮殿匾額皆

出其手至元間詔蓄髮授昭文館大學士有雪菴集帖

傳世

舊志誤
載入明

印簡俗姓宋世業儒年十一祝髮佛書無所不通及王公
問治民道必以儒術爲先後遊雲中住華嚴寺年五十
六示寂茶毘日煙焰所至皆成舍利

張可曇雲中人生於世祖初幼好道棄家業雲遊山水間
年幾百歲童顏不衰過交城止棲霞觀嘗作偈云清風
常在伴明月幾時休去去依然在呵呵一石頭人呼爲
石頭道人時值重陽語衆人曰明年此日我乃與汝等

別矣至期果尸解時至正元年九月九日也

明

王應元字象元大同人幼習舉子業既而棄去專精古人書帖楷書出入歐虞褚薛諸家自成一格草則力追王內史奕奕有生動氣小而蠅頭大而徑丈靡不精妙晚年益耽禪理

朱遜焯號草軒代王桂子善擘窠大書尤工寫竹時共珍愛之焯孫冽泉者逸其名亦善畫竹學夏太常景頗造其妙

劉橋東大同人遇異人授皇極數遂精卜筮能預知來問人姓名及富貴貧賤爲人談休咎多奇驗巡撫賈召試

大同府志 卷之三
其術指座上少年問之按其數曰針工也屢試十不失
一大同人王宇方爲諸生爲占一數曰時惟辛卯歲折
得桂枝歸已而果然

李春先大同人世爲雲中名醫精研脉理全活多人趙代
間呼爲李仙

朱廷雅字恒源號古淮山人代府宗人也甚有巧思能集
晉唐諸家書刻之咄咄逼真尤工摹勒右軍行書邊旁
湊合轉折向背毫髮皆肖足跡半天下所至必有手蹟
峨嵋山銅碑尤推獨絕

任榮大同人世業醫至榮益精尤好神仙術宏治元年年

六十無疾卒踰年鄉人陳守過陳州見榮施藥市口大
驚曰公無恙耶榮笑曰然固未死也嘉靖壬辰大同黃
令妻父張遇道人於伏牛山曰我大同任榮也公去某
日當與小孫會幸傳道之異日張果晤其孫言盡符萬
歷二年大同張省祭抵湖廣艾御史所艾家人經武當
山見草菴中道士元坐謂之曰爲我告張省祭歸語任
榮子孫榮俟宮殿畢或當歸也言畢忽不見凡三露踪
跡云任服遠者榮之後亦以善醫稱有人病垂死脉絕
醫相顧聘貽莫敢措手服遠最後至診之曰此轉關脉
也脉在肘間一藥而愈其神妙多類此

連步雲陽和木工也異人授符咒禱雨立應耳著銅環袖
核桃搖動應聲起霹靂沾足乃止隆慶末大澇雲令家
設鍋蓋於門蒙以白紙上書青天白日不三日遂晴病
者乞符多愈萬歷時老人胥能言之

韓守陽陽和杏園村人貌甚陋語言不倫常若顛魔狀每
到酒家必乞一甌少吝弗飲也太師莊劉氏子樛蒲落
魄乞憐於守陽令取家中酒壺一夕變成銀時僵臥大
雪中蒸汗如雨勦聲聞數十步見者異之後不知所往
帥翔應州人景泰時製銃有機頃刻三發及三百步外俱

試有驗

王瑛懷仁人學黃老術築室西山之陽去邑百餘里坐臥
一小樓日玩煑石飡霞猿經鳥翼之說農圃醫卜無不
究心終歲足跡不入城市年七十七無疾而卒

孫勝懷仁半截橋村人少力農目不知書於田遇道士狀
貌奇古察其非常人也進麥飯一孟意甚恭是人以袖
拂其面忽失所在由是瞽亂狂走者數日比醒率口吟
咏傾刻可數十首饒有天趣讀書能了大義巡撫王縣
令李皆與酬和以詩人待之事在嘉靖初年

壁峯應州祖師院修道有法力再世生於乾州石氏生時
白光滿室六歲出家智慧異常聞西蜀如海真公名往

見之遂叅透禪關不復粒食日採松栢啖之真公曰昔

吾師無用和尙云座下當出三虎一彪汝其彪耶朔方

其道大行遂行脚至雲中先是在定中見一山甚秀麗

諸佛菩薩行道其中有招謂之曰此五臺祕魔巖也旣

寤盡知來歷因遊五臺山元末賜號寂照圓明大禪師

明洪武三年召至南京奏對稱旨賜賚優渥踰二年忽

示微疾而逝荼毘於聚寶山火滅獲五色舍利齒舌數

珠皆不壞弟子智壽等立碑於應州崔家莊祖師塔院

贊善宋濂銘

覺同大同人姓康幼慧讀書過目不忘能文辭尤工臨池

書善化寺讚數千言咸珍爲名翰時人讚曰續佛慧命
湛然清淨遐邇聞聲詩禪草聖大同白衣菴僧方俊通
釋典工楷書寫泥金經百函亦爲沙門所重

一齋大同地藏菴僧持戒律甚嚴終日兀坐一室外別無
所有施金帛多不受受亦隨施貧者不畱其餘或雨雪
則累日不舉火苦行三十年一日沐浴趺坐化

任道一號真空隆萬間居南郭外東嶽廟廡下佯狂蓬垢
與人言喜笑怒罵初若不倫而後皆奇驗以故旗亭肆
館爭延致之至必醉飽歌呼以去亦有招之不就者詭
異莫測將化預期大會跣足登座若有待然良久曰至

矣乃送二朱履至納履趺坐而逝

瑞雲和尚名照祥幼叅學四方後居天城財神廟於佛藏書無所不讀文翰尤冠時流年八十餘而神情貌古別有行藏蓋真有所得者

國朝

常修號潤普大同人本姓楊棄家雲遊山水後卓錫於都門之愍忠寺苦持戒行日誦法華經一部歷四十餘年衆請爲大和尚歲傳戒三壇弟子數千人年七十五端坐說偈而逝

成寬楚南戒僧法子也幼業儒性敏慧通習經典善談元

理乾隆十七年雲遊至五臺道出天鎮止於慈雲古刹
時寺僧照福募貲重修復建藏經閣成寬走京師請
頒龍藏經全部貯之四方叅徒雲集宗風大振

王德馨大同人官廣東守備以武科起家而雅好文翰書
法學董文敏大字尤擅場大同總兵官甚愛重之每置
酒高會輒令作擘窠書輿酣落筆皆有矩矱今大小教
場碑匾文字及四牌坊字其遺墨也

尺木和尚大同人深於內典率口詩文雖不甚高脫間有
可取近選晉風者錄入二絕句亦有曠澹之味順治九
年忽自營龕墮手書語錄數則而逝

魏清泉號得一結菴恒山之夕陽嶺東通悟仙書布衲襜
膝處皆穿根皮麥菽異餐同飽菴居數十載遊止未越
三百步外康熙時尚在後坐逝及今童子皆知魏道士
云

劉一雲恒山九天宮道士古傲類軒轅彌明不識文字談
山中典故便於轆轤門外多生藥草服食數十年童顏
鶴髮翛然離垢晚歲人罕接之

張文耀字會公大同人因母平氏痼疾頻年潛心醫理卒
致痊可尤精於傷寒診高某起死回生郡人至今頌之

高麟昭公潘總兵鼎第五子隨兄宦見刑鞫人輒掩面流

涕以故不肯仕讀醫書有神解治奇疾多效關南北爭
延致之年八十二無疾而卒先一月與家人期如其言
張組陽高歲貢世業儒屢試不售退而究心古方書尤善
治傷寒深得長沙祕奧活人無算年逾七十精力弗衰

游寓附

漢

向長字子平河內朝歌人性尚中和通老易王莽大司空
王邑欲薦之固辭乃止潛隱於家建武中男女娶嫁畢
與同好北海禽慶俱遊五嶽竟不知所終

仲長統字公理山陽高平人博涉書記倜儻敢直言年二

十餘遊學并冀間并州刺史高幹袁紹甥也素貴有名
招致四方遊士士多歸附統過幹幹善待遇訪以當時
之事統謂幹曰君有雄志而無雄才好士而不能擇人
所以爲君深戒也幹雅自多而不納其言統遂去無幾
幹果至敗并冀之士皆以此異統

楊政字子行京兆人少好學從代郡范升受梁邱易善說
經書京師爲之語曰說經鏗鏗楊子行教授數百人范
升嘗爲出婦所告坐繫獄政乃肉袒以箭貫耳抱升子
潛伏道旁候車駕而持章叩頭大言曰范升三娶唯有

一子今適三歲孤之可哀武騎虎賁懼驚馬乘輿舉弓射

之猶不肯去旌頭又以戟義政傷胸政猶不退哀泣辭
請上有感卽尺一出升政由是顯名建初中官至左中
郎將

北魏

莫含鴈門繁峙人家世貨殖貲累巨萬劉琨爲并州辟含
從事穆帝愛其才器善待之及爲代王備置官屬求含
於琨與之後琨徙五縣民於陘南含家獨留甚爲穆帝
所重其故宅在桑乾川南世稱莫含壁或音訛謂之莫
回城云

房靈建房靈賓清河繹幕人靈賓文藻不如靈建而辨悟

大府府志 卷之三十三 三
過之兄弟並以才名見稱靈建宋渤海太守靈賓冀州
治中後魏平齊俱入代爲平齊民操尙卓然並卒於
平齊

房景伯字長暉清河繹幕人父徙平齊景伯生於桑乾少
喪父以孝聞家貧傭書自給養母甚謹尙書盧淵稱之
於李冲冲時典選拔爲奉朝請司空祭酒歷清河太守
號循吏後遷司空長史以母疾去官母亡病積年不愈
卒弟景先字光胄幼孤貧無資從師其母自授毛詩曲
禮年十二請其母曰豈可使兄傭賃以供景先也請自
求衣然後就學母哀其小不許苦請從之遂得一年裘

忻然自足晝則樵蘇夜誦經史自是精勤遂大通瞻太和中還鄉郡辟功曹州舉秀才釋褐太學博士累官至東義陽城行臺卒弟景遠字叔遐事二兄至謹撫兄孤甚篤重然諾好施予益州刺史啟爲昭武府功曹叅軍以母老不應鄉里語曰有義有禮房家兄弟廷尉卿崔先韶好標榜人物無所推尙每云景伯有士大夫之行業

趙柔字元順金城人也少以德行才學知名河右世祖平涼州內徙代京高宗時歷官河內太守甚著仁惠

陳仲達武威姑臧人少以文學知名涼州平內徙代都司

徒崔浩啟仲達與段承根云二人俱涼土才華同脩國史除祕書著作郎卒

劉芳字伯文彭城人以家難避入梁鄒城復北徙爲平齊

民時年十六聰敏過人晝則傭書自給夜則誦讀終夕

不寢至有易衣併日之傲而澹然自守著窮通論以自

慰焉常爲諸僧傭寫經論筆迹稱善卷直一縑歲中能

入百餘匹如此數十年賴以頗振後以中官李豐薦擢

拜中書博士累遷太子庶子員外散騎常侍與王肅辯

論禮經理義精闢時人號爲劉石經超遷國子祭酒侍

中延昌二年卒贈鎮東將軍徐州刺史

羅亮字敬儒清河東武城人父元孫仕劉宋尚書郎爲沈
文秀所害亮隨母房氏避難歷城及三齊平內徙桑乾
爲平齊民時年十歲常依季父幼孫居家貧傭書自業
時隴西李冲當朝任事亮從兄光往依之謂亮曰安能
久事筆硯而不往托李氏也彼家饒書因可得學亮曰
弟妹饑寒豈可獨飽自可觀書於市安能看人眉睫乎
光言之於冲冲召亮與語甚奇之迎爲館客冲嘗謂大
崔生寬和篤雅小崔生峭整清澈後以冲薦由中書博
士歷官至尚書僕射卒贈儀同三司

崔光本名孝伯字長仁高祖賜今名東清河鄆人也父靈

延宋長廣太守三齊平光年十七隨父徙代家貧好學
晝耕夜誦備書以養父母太和六年拜中書博士轉著
作郎添撰國書甚爲高祖所知待累遷中書監車騎大
將軍儀同三司正光中卒贈太傅光撰百三郡國詩百
二三卷詩賦銘讚誄頌表啟數百篇五十餘卷從祖弟長
文字景翰少亦徙於代都聰敏有學識太和中除奉朝
請累遷高陽王諮議叅軍永安中還家卒

高聰字僧智本渤海裔人其先徙居北海之劇縣父法昂
宋員外郎早卒聰少育於祖母王魏師克東陽徙入平

城與蔣少游爲雲中兵戶窘困甚族祖允視之若孫大

加調給聰涉獵經史頗有文才尤數稱於朝拜中書博
士正光初仕至光祿大夫

傅永字修期清河人也幼負氣弘拳勇過人能手執鞍橋
創立此書年二十餘有友人與之書而不能答請於叔
父洪仲洪仲深讓之不爲報乃發憤讀書涉獵經史兼
有才幹爲宋冀州刺史崔道固城局叅軍與道固俱入
魏爲平齊民父母並老饑寒十數年賴其彊於人事戮
力傭丐得以存立晚乃被召兼治禮郎累遷平南長史
高祖每歎曰上馬能擊賊下馬作露布惟傅修期耳後
爲南兗州刺史年踰八十猶能馳射云

常爽字仕明河內溫人祖父仕秦居涼州爽少而聰敏嚴正有志概雖家人僮隸未嘗見其惰容篤志好學博聞彊識明習緯候五經百家多所研綜州郡禮命皆不就世祖西征涼土賜爲六品拜宣威將軍爽置館溫水之右教授貴遊子弟七百餘人一時人材翕然熾興爽立訓甚有勸罰之科弟子事之若嚴君焉尙書左僕射元贊平原太守司馬貞安著作郎程靈虬皆爽教所就高允嘗稱之曰文翁柔勝先生剛克立教雖殊成人一也其爲通識歎服如此因教授之暇述六經畧注以廣制作甚有條貫其書行於世爽不專王侯獨守閒靜談經

彙典二十餘年時人號爲儒林先生

眭夸一名昶趙郡高邑人也少有大度不拘小節耽志書傳好飲酒浩然物表年三十遭父喪鬚鬢致白高尚不仕寄情邱壑少與崔浩爲莫逆交浩爲司徒奏徵爲其中郎辭疾不赴州郡逼遣不得已入代京與浩相見延留數日惟飲酒談敘平生不及世務浩每欲論屈之竟不能發言其見敬憚如此浩慮夸卽還納夸所乘騾廐中冀相維繫夸遂托鄉人輸租者謬爲御車乃得出關及浩誅爲之素服受鄉人弔唁經一時乃止歎曰崔公旣死誰能更容眭夸遂作朋友篇辭義爲時人所稱

趙琰字叔起天水人初符秦兵攘琰爲乳母攜奔壽春年十四乃歸代都孝心色養餼熟之節必親調之皇興中京師歲儉婢簡粟糶之遇見切責敕畱輕糶累官淮南王府長史時禁制甚嚴不聽越關葬於舊兆琰積三十餘年不得葬二親蒸嘗拜獻未嘗不嬰慕每於時節不受子孫慶賀年踰耳順而孝思彌篤卒年八十及遷都洛陽平應等乃還鄉葬焉

任延敬廣寧人伯父桃太和中爲雲中軍將延敬隨之因家焉太昌初累轉尚書左僕射位望旣重能以寬和接物人士稱之及斛斯椿釁發延敬棄家北走至河北郡

率士民據之以待高祖天平後再爲侍中卒贈太保

北齊

吳遵世字季緒渤海人少學易入恒山從隱居道士遊處
數年忽見一老翁謂之云授君開心符遵世跪取吞之
遂明占候後出遊京洛以易筮知名世祖卽詐授中書
舍人固辭疾

宋

朱弁字少章徽州婺源人少穎悟讀書日數千言建炎初
議遣使問安兩宮弁奮身自獻詔補修武郎借吉州團
練使爲通問副使至雲中抗節守志不辱君命十三年

和議成得歸以所得六朝御容及宣和御書畫爲獻秦
檜沮之僅轉奉議郎十四年卒弁文慕陸宣公詩學李
義山金名王貴人多遣子弟就學及歸述北方所見聞
忠臣義士朱昭史玩張忠輔高景平孫益孫谷傅偉文
李丹五臺僧寶真婦人丁氏晏氏小校閭進朱勣等死
狀請加褒錄有聘遊集四十二卷

洪皓字光弼鄱陽人少負奇節慷慨有經畧登政和五年
進士第建炎三年五月張浚薦皓召入對卽擢徽猷閣
待制假禮部尙書爲大金通問使龔璿副之有真忠臣

之號蓋聞中外自建炎已丑出使至紹興十二年七月

還凡十五年

章誼字宜叟建州浦城人登崇寧四年進士第累官徽猷閣直學士樞密都承旨紹興四年大金遣李永壽王翊來時議遣大臣爲報使叅政席益以母老辭薦誼爲代加誼龍圖閣學士充軍前奉表通問使給事中孫近副之誼至雲中與粘罕兀室論事不少屈

滕茂實字秀穎杭州臨安人政和八年進士靖康元年以工部員外郎假本部侍郎副路介廸出使爲大金所畱憂憤成疾卒於雲中

閻進隸宣武建炎初遣使通問至雲中爲大金所畱凡三

大同府志 卷之三
三
亡乃見殺武校尉朱勣亦從至雲中不半月亡去追之
還勣含笑死梃下

遼

耶律孟簡字復易于越屋質五世孫性穎悟六歲賦曉天
星月詩應聲而成旣長善屬文太康初樞密使耶律乙
辛出爲中京畱守孟簡表賀未幾乙辛復舊職銜之謫
巡磁審關時雖以此見遂不形辭色過林泉勝地終日
忘歸明年流保州太康末始得歸鄉里後任至昭德軍
節度使

金

王元節字子元密州人幼穎悟雖家世貴顯而從學甚謹
渾源劉撝愛其才俊以女妻之遂傳其賦學登天德三
年詞賦進士第雅尚氣節爲密州判官道遙歸里以詩
酒自娛年五十餘卒

元

李要合汪古部人父阿刺兀思剌吉忽里從太祖攻克有
功歸鎮本部尋卒其母攜之居雲中太祖既定雲中賜
與甚厚從攻西城封北平王

曲樞西土人沈密靜專爲掖仁祿聖皇太后宮臣仁宗幼
時任保傅左有擁翼夙夜匪懈大德中武宗總兵北邊

仁宗侍皇太后之雲中樞櫛風沐雨無倦色及武宗卽

昨仁宗爲皇太子拜樞榮祿大夫平章政事封應國公

劉秉忠字仲晦其先瑞州人天寧虛照禪師遣徒招致爲

僧以其能文詞使掌書記後遊雲中畱居南唐寺世祖

在潛邸海雲禪師被召過雲中聞其博學多材藝邀與

俱行旣入見應對稱旨屢承顧問海雲南還秉忠遂畱

藩邸至元初拜光祿大夫位太保叅預中書省事雖位

極人臣而齋居蔬食終日澹然不異平昔自號藏春散

人

德輝字輝卿興寧交城人元初辟真定開府經歷官世

祖在潛邸召問治道多見嘉納至元中叅議中書省事以老乞歸德輝博學有經濟性不喜嬉笑望而知爲端人嘗與元裕李冶游封龍山時號龍山三老云

歸暘字彥溫汴梁人累官集賢學士資德大夫致仕僑居宏州徙蔚州又徙宣德尋抵大同後卒於解之夏縣

明

沈良浙江仁和人官刑部主事洪武三十一年謫戍應州善春秋士多受業尙書石瑁輩皆出其門

盛春浙江海鹽人官監察御史洪武三十二年謫戍應州博學能文慷慨負氣節其子孫皆以儒業世其家

鄭賜字彥嘉建寧人洪武十八年進士累官北平叅議坐累謫戍安東屯惠帝卽位成祖及楚王楨皆舉賜爲長史不許未幾召爲工部尙書

仰瞻長洲人爲大理寺丞正統間宦官王振用事百官多奔走其門惟瞻與大理卿薛瑄不往會與瑄辨殺夫寃獄益忤振下獄謫戍大同景泰初召爲右寺丞執法愈堅

王理江西安福人官刑科給事中正統十一年謫戍大同景泰初起原官陞四川布政司叅議

李左修江西吉水人福建僉事正統六年謫戍大同以經

學淑人都御史孫祥布政使郭紀皆爲其門

全寅安邑人少警而聰警學京房易占斷多奇中名聞四方正統閒客遊大同

盧璣浙江松陽人進士成化八年謫戍大同邃於理學士多從之遊

彭澤南海人太常寺卿嘉靖十年謫戍平遠尋起用累官兵部侍郎

李濬涯逸其名代州諸生也性敏慧一目數行下終身不忘時中夜冥坐默憶輒遍數十卷間有字句少訛者不取火帷拈注香拂卷一映卽立辨失意進取遂去鄉里

僑於靈邱之東河南村杜門却軌著書以自娛兼授徒
講學邑子衿多就焉及破門人營葬村側至今呼爲李
先生墓云

岳可延安人由武進士官遊擊後罷居陽和善琴奕工書
翰詩文並有法度久而生計甚拙蕭然如儒生或問從
邊將談論阨塞險要及戰守利害如指掌夫敢閒起萬
全都司卒於官其子孫遂占籍宣府焉

秦世英陝西三原人進士蓬萊知縣崇正間戍陽和衛講
學賦詩與諸士爲忘年交尋遇赦回籍至今後學思之

馬杰直隸任邱人官禮科給事中謫戍大同止次夫多從

之遊後回籍

黃正賓歙人爲舍人嘗抗疏下獄斥爲民後李三才等咸與遊有聲士大夫間熹宗立起故官再遷尙書少卿引病歸魏忠賢下汪文言獄詞連正賓遣戍大同崇正初復官

孫承宗字稚繩高陽人貌奇偉鬚髯戟張與人言聲殷牆壁始爲縣學生授經雲郡徃來飛狐拒馬間直走白登喜從材官老兵究問險要阨塞後登進士第二人授編修累官經畧大學士崇正十一年家居死節

國朝

朱彝尊字錫鬯秀水人嘗遊大同望李陵臺入太原訪卦
山蒙山晉水諸勝雅嗜金石文搜剔窮巖敗塚遇殘碑
斷碣手自摩挲竟日不忍棄去夙有子猷癖雖僦舍必
擇有竹地以居客大同地寒無竹嘗藝葦以代之後舉
博學宏詞官檢討

李因篤字天生陝西富平人博學工詩文蘭州刺史綬嘗
刊其秋興詩沉雄蒼鬱驪壇胥推伏焉文亦瞻整有體
格後舉博學鴻詞官翰林院檢討秀水曹司農落備兵
陽和因篤以故人子從時守大同者以禮敦延掌教雲

中書院因善代州馮觀察雲驤雅愛其風土人物居勾

注真屋間者十年

林贊王字臯思莆田人知應州友王弟也工詩善書畫愛
茹越桑乾之勝僑應二十年稔知學由所入無幾不足
供修補學宮之用捐所置大北頭村田地盡送歸學應
人至今義之

李御字琴夫丹徒人負俊格抱雋才而敦篤倫理飲博詠
諧其餘韻也出居庸關冒風雪走千餘里遊北嶽作三
十三松記張果驢跡辨燒雪夜鈔一卷將裹糧登五臺
出鴈門再訪蘇李故跡以天寒不果時或登高望焉過
渾源寓永安上方名其齋曰寶葉往往爲詩歌流麗瀟

洒明年春以思母不置而歸

大同府志卷之三十三終